

新刻臨川王介甫先生詩集卷七

古詩

董伯懿示裴晉公平淮右題名碑詩用其韻和

酬

元和伐蔡何危哉朝廷百口無一諧盜傷中丞偶不
死利劔白日投天街裹瘡入相議軍旅國火一再更
檀槐上前慷慨語發涕誓出按撫除睽乖指撫光顏
戰洄曲闕如怒虎搏虺豺愬能捕虜取肝鬲護送密
乞完形骸咎兵夜半投死地雪濕不敢燃薪蕪空城
豎子已可縛中使尚作嘍兒哇退之道此尤雋偉當

鏤玉牒東燔柴欲編詩書播後嗣筆墨雖巧終類俳
唐從天寶運中圯廊廟往往非忠佳諸侯縱橫代割
據疆土豈得無離爪德宗末年懲戰禍一矢不試塵
蒙鞞憲皇初起衆未信意欲立掃除昏霾追還清明
救薄蝕屢勅主府拘窮蛙王師傷夷征賦窘千里亦
忌毫釐差小夫偷安自非計長者遠慮或可懷桓桓
晉公忠且壯時命適與功名偕是非末世主成敗烜
赫今古誰譏排賢哉韋純議北赦倉卒兩伐尤難皆
重華聲明彌萬國服苗于羽舞兩階宣王側身內脩
政常德立武能平淮昔人經綸初若緩欲棄此道非
吾儕千秋事往蹤跡在嶽石款記如湘崖文嚴字麗
皆可喜黃埃蔽沒蒼蘚埋當時將佐盡豪傑想此兵
禱陪祠齋君曾西遷爲拓本濡麝割蜜親廟措新篇
波瀾特浩蕩把卷熟讀迷津涯衰賢樂善自爲美賞
佳廟壁爲詩牌

用王微之韻和酬卽事書懷

秦惜逝者耆晉嘉良士休古人皆好樂哀此歲月適
嗟我抱愁毒殘年自羈囚但爲免得蹄非復天上鷗
雖知林塘美欲往輒回輒名園一散策笑語隨觥籌
探題遶梅花高詠接應劉宿雨洗荒漣寒蛟沈老湫

三陽川文集 卷七
一
汾涸信盡舸歸路子城幽冬風不改綠忽見新陽浮
歡事去如夢嘉時念難畱明發得君句謂將續前遊
語我飲倡樂不如詩獻酬淮洲秦鍾磬雅刺德不猶
文墨有真趣荒淫何足收來篇信時女窈窕衆所求
茲理儻可諧華簪爲君抽

和仲求卽席分題得庶字

刀筆漫無營圖書紛不御平生攜手人邂逅賞心處
名卿邵朱邑膚使超嚴助都官富篇章博士熟經據
豈特好微言又多知大慮從容故天幸侗儻盡人譽
千艘來交荆萬舸去揚豫良無此嘉客式飲吾所庶

出鞏縣

昭陵落月煙霧昏篝火度谷行山根投鞭委轡涉數
村寤出鞏縣城東門向來官闕不可見但有洛水流
渾渾

書任村馬鋪

兒童繫馬黃河曲近岍河流如可掬任村炊米朝食
魚日暮棗陽驛中宿投老經過身獨在當時洲渚今
平陸秣黍冥冥十數家仰視荒蹊但喬木冰盤羨美
客自知起看白水還東馳爾來百口皆年少歸與何
人共此悲

葛蘊作巫山高愛其飄逸因亦作兩篇

巫山高十二峰上有往來飄忽之猿猱下有出沒澆
澆之蛟龍中有倚薄縹緲之神宮神人處子冰雪容
吸風飲露虛無中千歲寂寞無人逢邂逅乃與襄王
通丹崖碧嶂深重重白日如日明房藥象牀玉几來
自從錦屏翠幔金芙蓉陽臺美人多楚語祇有纖腰
能楚舞爭吹鳳管鳴鼉鼓那知襄王夢時事但見朝
朝暮暮長雲雨

二

巫山高偃薄江水之滔滔水於天下實至險山亦起
伏爲波濤其巖冥冥不可見嵯岈斗絕悲猿猱赤松
青櫟生滿谷山鬼白日樵人遭窈窕陽臺彼神女朝
朝暮暮能雲雨以雲爲衣月爲褚乘光服暗無畱阻
崑崙曾城道可取方丈蓬萊多伴侶塊獨守此嗟何
求況乃低徊夢中語

西風 卷四十九 十六

少年不知秋喜聞西風生老大多感傷畏此蟋蟀鳴
况乃捨親友抱病獨遠行中夜臥不周惻惻感我情
起視天正黑弱雲亂縱橫似有霰雪飄不復星斗明
時節忽如此重令壯心驚諒無同憂人樽酒安可傾

煤焙著天無寸空白沫上听吹魚龍義和推車出不
得河伯欲取山爲宮城門晝開眠百賈饑孫得糟夜
哺翁老人慣事少所怪看屋箕踞歌南風

和王勝之雪霽借馬入省

泥水填馬不受轍瓦雪得火猶藏溝宿霧紛紛度城
闕朔氣凜凜吹衣裘窮閭閉門無一客剝啄驚我有
前騶強隨傳呼出屋去鼻息凍合髭繆繆投韁馬鬣
任欹側欲出操筆手還抽行思江南悲故事溪谷冬
暖花常流前年臘歸三見白霽色嶺上班班雷杖藜
此時將邑子登眺置酒身優游豈如都城今日事祗
恐一蹶爲親憂因知田里駕款段昔人豈卽非良謀
君家洛陽名實大談笑枯槁回春柔平生意氣故應
在白髮未敢相尋求從容退食想佳節豈無歌聲相
獻酬奈何亦作苦寒調歎息朝夕無驕驩超然遂有
江湖意滿紙爲我書窮愁相如正應居客右子路且
莫乘桴浮

和吳冲卿鷓鴣鳴樹石屏

寒林昏鷓鴣相與還下有跂石蒼孱顏曾於古圖見髣
髴已怪刀筆非人間君家石屏誰爲寫古圖所傳無

似者鷗飛歷亂止且鳴林葉慘慘風煙生高齋日午
坐中見意似落日空上行君詩雄盛付君手云此非
人乃天巧嗟哉渾沌死乾坤至造作萬物醜妍巨細
各有理問此誰主何其精恢奇譎詭多可喜人於其
間乃復雕鑿刻畫出智力欲與造化追相傾拙者婆
娑尚欲奮工者固已窮夸矜吾觀鬼神獨與人意思
雖有至巧無所爭所以號山間埋沒此寶千萬歲不
爲見者驚吾又以此知玅偉之作不在百世後造始
乃與元氣并畫工粉墨非不好威久剝爛空留名能
從太古到今日獨此不朽由天成人尚奇輕貨

山珍海怪採掇今欲索此屏後出爲君得胡賈欲價
著不識吾知金帛不足論當與君詩兩相直

送李宣叔倅漳州

關山到漳窮地與南越錯山川鬱霧毒瘴癘春冬
荒茅篁竹間蔽虧有城郭居人特鮮少市井宜蕭索
野花開無時蠻酒持可酌窮年不用客誰與分杯杓
朝廷尚賢俊磊砢充臺閣君能喜節行文藝又該博
超然萬里去識者爲不樂予聞君子居自可救民瘼
苟能禦外物得地無美惡似聞最南方北客今勿藥
林麓換風氣獸虵凋毒蠱如漳猶近州氣冷又銷鑠

珍足海物味其厚不為薄章舉馬甲柱固已輕羊酪
蕉黃荔子丹又勝楂梨酢逢衣比多士往往在丘壑
從容與笑語豈不慰寂寞太守好觴詠嘉賓應在幕
想即有新詩流傳至京洛

送裴如晦宰吳江

霜一作澤與天杳旁臨無限情他時散髮處最愛垂
虹亭飄然平生遊捨我戴吳星欲往獨不得都門看
揚舲到縣問疾苦為子求所經當知耕牧地往往芟
蒲青三江斷其二泮水河由寧微子好古者此歌尚
誰聽

韓村國從富并州辟

韓侯水玉人不可塵土禩官雖眾俊後名字久訶磻
并州天下望撫士威愛愜千金棄不惜賓客常滿閣
遙聞餘風高為子置一榻親交西門餞百馬驕禩選
子材宜用世談者為鳴吧矧今名主人氣力足呵欲
推賢為時輔勢若朽易拉會當薦還朝立子在閭闔
惜哉秣騏驥賦以升龠合咨予栖栖者氣象已摧塌
他年佐方州說將尚不納況於聲勢尊豈易取酬答
有如持寸莛未足感鞞鞞顧於山水間意願多所合
匡廬與韶石少小已嘗蹋風遊會稽春雪宿天柱臘

淮湖江海上慣食蝦蟹蛤西南窮岷嶓東北盡濟滌
身雖未嘗歷魂夢已稠杏荆溪最所愛映燭多廟塔
溪果點丹漆溪花團繡菴扁舟信所過行不廢樽榼
一從捨之去霜雪行滿領思之不能寐蹙若虫蚋嗜
方將築其濱畢景謝噉啗安能孤此意顛倒就衰颯
唯子余所嚮嗜好比鷓鴣何時歸相過遊屐尚可蠟

寄吳冲卿

物變極萬殊心通纔一曲讀書謂已多撫事知不足
與君語承華念此非不夙恨無數頃田歸耕使成熟
當官拙自計易用忤流俗窮年走區區得謫大於屋
歸來汙省舍又繼故人躅相逢止數步或按常填目
切磋非吾傷阻濶嗟何速孤危失所助把卷常恨獨
虛名終自誤謬恩何見蹙清明有冲卿奧美如晦叔
時謂當選升屈指尚五六揆才最不稱饗寵寧無慙
殷勤故人書紙尾又見勗君雖好德言我自望忠吉
易稱動不括傳論大明服進爲非成材罪恐不容贖
歲殘東風生陝樹塵翳翹何緣一杯酒談笑相追逐
韓持國見訪

余生非匏瓜於世不無求弱力憚耕稼衣食當周流
起家始二十南北今白頭愁傷意已敗罷病恐難瘳

江湖把一節屢乞東南州治民豈吾能閒僻庶可偷
謬恩當徂冬黽勉始今秋豈敢事高蹇茫然乖本謀
撫心私自憐仰屋竊歎愀強騎黃僂馬欲語將誰投
賴此城下宅數蒙故人畱攬衣坐中庭仰視白雲浮
白雲御西風一一向滄洲安得兩黃鵠跨之與雲遊

思王逢原

自吾失逢原觸事輒愁思豈獨爲故人撫心良自悲
我善孰相我孰知我瑕疵我思誰能謀我語聽者誰
朝出一馬驅暝歸一馬馳馳驅不自得談笑強追隨
仰屋臥太息起行涕淋漓念子冢上土草茅已紛披
婉婉婦且少粦粦一女整高義動閭里尚聞致財貲
嗟我衣冠朝略能具體糜葬祭無所助哀顏亦何施
聞婦欲北返跂予常望之寒汴已閉口此行又參差
又說當產子產子知何時賢者宜有後固當夢熊羆
天方不可恃我願適在茲我疲學更誤與世不相宜
宿昔心已許同岡結茅茨此事今已矣已矣尚誰知
渺渺江與潭茫茫山與陂安能久竊食終負故人期

登景德塔

放身于仞高北望太行山巴屋如螳冢蔽虧塵霧間
念此屋中人當復幾人閑雞鳴起四散暮夜相與還

王臨川文集 卷七
物物各自我誰爲賢與頑賤氣卽易凌貴氣卽難攀
愧予心未齊俛首一破顏

和劉貢甫燕集之作

馮侯天馬壯不羈韓侯白鷺下清池劉侯羽翰秋欲
擊吳侯葩萼春爭披沈侯玉雪照人潔蕭灑已見江
湖姿唯予貌醜駭公等自鏡亦正如蒙俱忘形論交
喜有得杯酒邂逅今良時心親不復異新舊便脫巾
屨相諧嬉空堂無塵小雨定濃綠翳水浮秋曦高談
四坐掃炎熱木末更送涼風吹此歡不盡忽分散明
月照屋空參差平明餘清在心耳洗我重得劉侯時
劉侯未見聞已熟吾友稱誦多文辭才高意大方用
世自有豪俊相攀追咨予後曾恐不數魂夢久向東
南馳何時扁舟却顧我還欲迎子遊山陂

寄王逢原

北風吹雲埋九垓草木零落空池臺六龍避逃不敢
出地上獨有寒崔嵬披衣起行愁不愜歸坐把卷闔
且開永懷古人今已矣感此近世何爲哉申韓百家
爇火起孔子大道寒於灰儒衣紛紛欲滿地無復風
焰空煤始力排異端誰助我憶見夫子真奇材榘枘
豫章槩白日稭要匠石聊穿裁我方官拘不得往子

有閑暇宜能來晤言相與入聖處一取萬古光芒廻
寄正之

少時已感韓子詩東西南北俱欲往新年尤覺此語
悲恨無羽翼超惚恍肺肝欲絕形骸外涕洟自落衣
巾上此憂難與世共知憶子論心更惆悵

思古

古之士方窮材行已云貴大臣公聽采左右不得蔽
或從蒿藜間入據廊廟勢小夫不敢望云我非其彙
朝遊儻者羞暮出逢者避所以後世愚人人願高位

惜日 卷五十一 三

白日照四方當在中天留春風地上行當與時周遊
和氣所披拂槁乾却濕柔愛欲傳萬物勢難停一州
棲棲孔子者惜日此之由不能使此邦利澤施諸侯
豈若駕以行使我遇者稠當時三千人齊宋楚陳周
小者傳吾粗大者傳奧幽道散學以聖衆源乃常流
吾初如匏瓜彼亦孰知丘唯士欲自達窮通非外求
賢必相天子乃能經九疇行雖恥強勉閉戶非良謀

送裴如晦卽席分題三首

以黯然消魂惟別而
已爲韻擬而惟字韻

作

飄然五湖長昨日國子師綠髮約略白青衫欲成緇

王臨川文集卷七
二
牽舟推河水去與山水期春風垂虹亭一杯湖上持
傲兀何賓客兩忘我與而能復記此飲詩成酒淋漓

二
十月款水水問君行何爲行不顧斗米自與五湖期
平生湖上遊幽事略能知此後君最樂窮年得游嬉
彩鯨抗波濤風作麟之而鳴鼓上洞庭笑看紅橘垂
漠漠大梁下黃沙吹酒旗應憐故人愁回首一相思

三

邂逅君子堂一杯相與持便應取酪酏萬事不足惟
平明蔡河風回首成差池獨我漫浪者尚得行相追

磨刀鱸嚴冬宿 少陵詩還當捕鱸魚載酒與我期
甫里松菊盛洞庭柑橘垂文章爲我唱不數陸與皮

兩馬齒俱壯

兩馬齒俱壯自騎千里材生空何軒軒或是龍之媒

一馬立長衢顧影方徘徊一馬裂銜轡犇逸風雷

立豈飽芻豆戀棧常思迴犇豈欲野斃久羈羨鴛鴦駘

兩馬不同調各爲世所猜問之不能言使我心悠哉

春從沙磧底

春從沙磧底轉上青天際
雷電掃桑柘墟浮雲變姿媚

王臨川介甫先生文集卷七

新刻臨川王介甫先生詩集卷八

古詩

兩馬齒俱壯

兩馬齒俱壯自驕千里材生姿何軒軒或是龍之媒
一馬立長衢顧影方徘徊一馬裂銜轡犇嘶逸風雷
立豈飽芻豆戀棧常思迴犇豈欲野齧久羈羨駑駘
兩馬不同調各爲世所猜問之不能言使我心悠哉

春從沙磧底

春從沙磧底轉上青天際靄靄桑柘墟浮雲變姿媚
游人出暄暖鳥語辭陰翳心知歸有日我亦無愁思

所嗟獨季子尚客江湖濫萬里十鳳凰飄飄何時至

晨興望南山

晨興望南山不見南山根草樹露顛頂樛枝空復繁
銅瓶取井水已至尚餘溫天風一吹拂的皜成璵璠

結屋山澗曲

結屋山澗曲挂瓢秋樹顛鳴不中律呂時時驚我眠
吾兒亦惡聒戮力事棄捐止我為爾歌不如恣其然
狂風動地至萬竅各啾喧一瓢雖易除豈在有無間
樂樂山下石泠泠手中弦臨流寫所愛坐聽以窮年

朝日一暴背

朝日一暴背欣然忘夜寒樵松煮澗水既食取琴彈
彈作南風歌歌罷坐長歎寤彼栖栖者遺世良獨難

黃菊有至性

團團城上日秋至少光輝積陰欲滔天況乃草木微
黃菊有至性孤芳犯羣威采采霜露間亦足慰朝饑

少狂喜文章

少狂喜文章頗復好功名稍知古人心始欲老蠶耕
低徊但忘食邂逅亦專城仰慙冥冥士俯愧擾擾甿
良夜未遽央青燈數寒更撥書置左右仰屋慨平生
三戰敗不羞

三戰敗不羞一官遷輒喜古人思慰親愧辱寧在已
於陵避兄食織屨仰妻子恩義有相權潔身非至理

少年見青春

少年見青春萬物皆嫵媚身雖不飲酒樂與賓客醉
一從鬢上白百不見可喜心腸非故時更覺日月駛
聞歡已倦往得飽還思睡春歸只如夢不復悲憔悴
寄言少年子努力作春事亦勿怪衰翁衰強自然異

白日不照物

白日不照物浮雲在寥廓風濤吹黃昏屋瓦更紛泊
行觀蔡河上負土私有弱隋堤散萬家亂若春蠶箔
仍聞決數道且用寬城郭婦子夜號呼西南漫爲怒

草端無華滋

草端無華滋陰氣已盤固暄妍却如春歲晚曾不寤
一裘可以暖貧士終難豫忽忽遠枝空寒蟲欲坏戶
一日不再飯

一日不再飯飯已八九眠忽忽返照間頓羸不可遷

筋骸微纏束肺腑鼎鑪煎長往理不惜高堂思所牽

秋枝如殘人

秋枝如殘人顏色先憔悴微寒吹已空性命一何脆
寧當記疇昔葩葉相嫵媚歲行誰使然好殺豈天意

青青西門槐

人情甘阿諛我獨倦請謁尤於權門疎萬事亦已拙
平生江湖期夢寐不可遏青青西門槐少解馬上矚
天下不用車

天下不用車人人乘馬馳王良雖善御攬轡欲從誰
漢武伐大宛殺人若京坻孝文却走馬獨行先安之
萬物命在天取舍各有時陰陽更用事冬暖豈所宜
卞氏強獻玉兩刖亦已癡幸終遇良工已剖得不疑

山田久欲拆

山田久欲拆秋至尚求雨婦女喜秋涼踏車多笑語
崩雲卷衆水慘淡吹平楚橫陂與直塹疑卽沒洲渚
霍霍反照中散絲魚幾縷鴻蒙不可問且往知何許
欹眠露下舸側見星月吐龍骨已嘔啞田家真作苦

聖賢何常施

聖賢何常施所遇有伸屈曲士守一隅欲以齊萬物
喪非不欲富言爲南官出世無子有子誰敢救其失
散髮一扁舟

散髮一扁舟夜長眠屢起秋水瀉明河迢迢藕花底
愛此露的皦復憐雲綺靡諒無與歌絃幽獨亦可喜
道人北山來

道人北山來問松我東岡舉手指屋脊云今如此長
開田故歲收種果今年嘗告叟去復來耘鋤尚康強
死狐正首丘遊子思故鄉嗟我行老矣墳墓安可忘

今日非昨日

今日非昨日昨日已可思明日異今日如何能勿悲
當門五六樹上有蟬鳴枝朝聽尚壯急暮聞已衰遲
仰看青青葉亦復少華滋萬物同一氣固知當爾爲
我友南山居笑談解人頤分我秋栢實問言歸何時
衣冠污窮塵苟得猶苦饑低徊歲已晚恐負平生期

秋日不可見

秋日不可見林端但餘黃杖藜思平野俛仰畏無光
栗栗澗谷風吹我衣與裳娟娟空山月照我冠上霜

騏驥在霜野

騏驥在霜野低徊向衰草入櫪聞秋風悲鳴思長道
黃金作鞭轡粲粲空外好人生貴得意不必恨枯槁
悲哉孔子沒

悲哉孔子沒千歲無麒麟蚩蚩盡鉏商此物誰能珍
漢武得一角燔烹誣鬼神更以鑄黃金傳夸後世人

秋庭午吏散

秋庭午吏散予亦歸息偃豈無嘉賓客欲往心獨懶

北窻古人篇一讀三四反悲哉不蚤計失道行晚晚

秋日在梧桐

秋日在梧桐轉陰如急轂冥冥蔽中庭下視今可暴
高蟬不復嘒稍得寒鷗宿百遶有衰翁行歌待春綠

我欲往滄海

我欲往滄海客來自河源手探囊中膠救此千載渾
我語客徒爾當還治崑崙歎息謝不能相看涕翻盆
客止我且往濯髮扶桑根春風吹我舟萬里空目存

前日石上松

前日石上松移沙水際青青折釵股俯映幽人砌

蟠根今鬯茂落子還蒼翠二年一楮葉世事真期費

古日出堂上飲

日出堂上飲日西未云倦主人笑而歌客子歎以愀
指此堂上柱始生在巖幽雨露飽所滋凌雲亦千秋
所託願求久何言值君收乃令卑濕地百蟻上窮鏤
丹青空外好鎮壓已堪憂為君重去之不使一蟻留
蟻力雖云小能生萬蚍蜉又能高其礎不爾繼者稠
語客且勿然百年等浮漚為客當酌酒何豫主人謀

詰密且為然百於半我賦為客當師西向新主人
難久擬云本新全萬地難又道高其勢不爾難者
丹青空水我難忍了掛憂為我重去之不對一難
無信願未入何言前我效以令卑賦世百難上深
詩此堂上林難全五難幽雨靈歸所茲交雲亦千
日出堂上難日出未云對主人天而潘客千難

日出堂上難

翻悲今學英藝千靈公率三平一林集世事真其
新刻臨川王介先生詩集卷九

古詩

孔子

聖人道大能亦博學者所得皆秋毫雖傳古未有孔
子蟻蠓何足知天高桓魋武叔不量刀欲撓一草搖
蟠樾顏回已自不可測至死鑽仰忘身勞

楊雄二首

子雲游天祿華藻銳初學覃思晚有得晦顯無適莫
寥寥鄒魯後於此歸先覺豈嘗知符命何苦自投閣
長安諸愚儒操行自為薄諷嘲出異已傳載因疏略

孟軻勸伐燕伊尹干說亳叩馬觸兵鋒食牛要祿爵
少知羞不爲況彼皆卓犖史官蔽多聞自古喜穿鑿
二
子雲平生人莫知知者乃獨稱其辭今尊子雲者皆
是得子雲心亦無幾聖賢樹立自有師人知不知無
以爲俗人賤今常貴古子雲今存誰女數

漢文帝

輕刑死人衆喪短生者偷仁者自此薄哀哉不能謀
露臺惜百金灞陵無高丘淺恩施一時長患被九州

秦始皇

天方獠中原狐兔在所憎傷哉六孱王當此鷙鳥膺
搏取已掃地翰飛尚憑凌遊將跨蓬萊以海爲丘陵
勒石頌功德羣臣助驕矜舉世不讀易但以刑名稱
蚩蚩彼少子何用辯堅冰

韓信

韓信寄食常歉然邂逅漂母能哀憐當時噲等何由
伍但有淮陰惡少年誰道蕭曲刀筆吏從容一語知
人意壇上平明大將旗舉軍盡驚王不疑掾兵半楚

淮半沙

一作搏兵擊

從初龍且聞信怯鴻溝天下已

橫分談笑重來卷楚氛但以怯名終得羽誰爲孔費

王臨川文集卷九
兩將軍

叔孫通

先生秦博士秦禮頗能熟量主欲有爲兩生皆不欲
草具一王儀羣豪果知肅黃金旣徧賜短衣亦已續
儒術自此凋何爲反初服

東方朔

平原狂先生隱翳世上塵材多不可數射覆亦絕倫
談辭最詼惟發口如有神以此得親幸賜予頗不貧
金玉本光瑩泥沙豈能堙時時一悟主驚動漢庭臣
不肯下兒童敢言詆平津何知夷與惠空復忤時人

楊劉

人各有是非犯時爲患害唯詩以譎諫言者得無悔
汾王昔監誨變雅今尚載末俗忌諱繁此理寧復在
南山詠種豆議法過四罪玄都戲桃花母子受顛沛
疑似已如此況欲諄諄誨事變故不同楊劉可爲戒

臧倉

位在萬乘師孟軻猶不遇豈云貧與賤世道非吾趣
意行天下福事忤由然去命也固有在臧倉汝何與

田單

潛王萬乘齊走死區區燕田單一卽墨掃敵如風旋

舞鳥恠不測騰牛怒無前飄飄樂毅去磊砢功名傳
掘葬與劓降論乃愧儒先深誠可奮士王蠋豈非賢

戴不勝

昔在宋王所皆非薛居州區區一不勝辛苦亦何求
懷祿詎有耻知命乃無憂此士自可憐能復識此不

陸忠州

虞人以士招御者與射比當時尚羞爲況乃天下士
英英陸忠州學問輔明智低徊得坎壈勳業終不遂

開元行

君不聞開元盛天子糾合雋傑披姦宿幾年辛苦補
四海始得完好無疽瘡一朝寄託誰家子威福顛倒
那復理那知赤子偏愁毒祗見狂胡倉卒起茫茫孤
行西萬里偈久歸來竟憂死子孫險不失故物社稷
陵夷從此始由來犬羊著冠坐廟堂安得四鄙無豺
狼

相送行效張籍

一車南一車北身世忽忽俱有役憶昔論心兩綢繆
那知相送不得畱但聞馬嘶覺已遠欲望應須上前
坂秋風忽起吹泥塵雙目空回不見人

陰漫漫行

愁雲怒風相追逐青山滅沒滄江覆少留燈火就
床更聽波濤圍野屋憶昨踏雪度長安夜宿木癭還
苦寒誰云當春便妍暖十日九八陰漫漫

一日歸行

賤貧奔走食與衣百日奔走一日歸平生歡意苦不
盡正欲老大相因依空房蕭瑟施繡帷青燈半夜哭
聲稀音容想像今何處地下相逢果是非

汴水

汴水無情日夜流不肯為我少淹留相逢故人昨夜
去不知今日到何州州州人物不相似處處蟬鳴令

客秋心可憐南北意不就二十起家今白頭

陰山畫虎圖 卷五十五

陰山健兒鞭鞞急走勢能追北風及透迤一虎出馬
前白羽橫穿更人立回旗倒戟四邊動抽矢當前放
蹄入爪牙蹭蹬不得施磧上流丹看來濕胡天朔漠
殺氣高煙雲萬里埋中刀窮廬無工可貌此漢使自
解丹青包堂上綃素開欲裂一見猶能動毛髮低徊
使我思古人此地搏兵走戎羯禽逃獸遁亦蕭然豈
若封疆今晏眠契丹弋獵漢耕作飛將自老南山邊
還能射虎隨少年

杜甫畫像 卷五十一

吾觀少陵詩爲與元氣侔力能排天幹九地壯顏毅
色不可求浩蕩八極中生物豈不稠醜妍巨細千萬
殊竟莫見以何雕鏤惜哉命之窮顛倒不見收青衫
老更斥餓走半九州瘦妻僵前子什後攘攘盜賊森
戈矛吟哦當此時不廢朝廷憂常願天子聖大臣各
伊周寧令吾廬獨破受凍死不忍四海寒飈飈傷屯
悼屈止一身嗟時之人死所羞所以見公畫再拜涕
泗流惟公之心古亦少願起公死從之游

吳長文新得顏公壞碑

卷五十一

魯公之書既絕倫歲久更爲時所珍荒壇壞冢朽崖
屋剝落風雨埋煨塵斷碑數尺誰所得點畫入紙完
如新延陵公子好事者拓取持寄情相親六書篆籀
數變改訓詁後世多失真誰初妄鑿妍與醜坐使學
士勞骸筋堂堂魯公勇且仁出遇世難親經綸揮毫
卓犖又驚俗豈亦以此誇常民但疑技巧有天得不
必勉強方通神詩歌甘棠美召伯愛惜蔽芾由思人
時危忠誼常恨少寶此勿復令埋堙

答揚州劉原甫

因君古人風
更欲投吾簪

少貧苦不足一官聊自謀爲生晚更拙懷祿尚遲留

三臣川文集卷九
六
黽勉詎有補強顏包衆羞謂我古人風知君以相優
君實高世才主恩正綢繆哿矣哀此民華簪寧易投
寄岳州張使君

昔人寧飲建業水共道不食武昌魚公來建業每自
如亦復不厭武昌居武昌山川今可想綠水逶迤煙
莽蒼白鷗晴飛隨兩槳岼薺茸茸映魚網投老畱連
陌上塵思公一語何由往

送元厚之待制知福州

海隅山谷間人物最多處平旦息相吹連城默如霧
閩王舊宮室丹漆美無度今爲大帥府千里來赴愬
元侯文章翁更以吏能著我我中天閣鳴玉新改步
銜詔出梨嶺方爲遠人慕旌旗滿流水冠蓋東門駐
四坐共咨嗟疑侯不當去張仲稱孝友樊侯正求助
名城雖云樂行矣未宜遽

悼四明杜醇

杜生四五十孝友稱鄉里隱約不外求耕桑有妻子
藜杖牧雞豚筠筒釣魴鯉歲時沽酒歸亦不乏甘旨
天涯一杯飯夙昔相逢喜談辭足詩書篇詠又清泚
郗城問越客安否常在耳日月未渠央如何棄予死
古風久凋零好學少爲已悲哉四明山此士今已矣

哭梅聖俞

詩行於世先春秋國風變衰始栢舟文辭感激多所
憂律呂尚可諧鳴球先王澤竭士已偷紛紛作者始
可羞其聲與節急以浮真人當天施再流篤生梅公
應時求頌歌文武功業優經奇緯麗散九州衆皆少
銳老則不翁獨辛苦不能休惜無采者人名適貴人
憐公青兩眸吹噓可使高岑樓坐令隱約不見收空
能乞錢助饋餽疑此有物司諸幽棲棲孔子孟葬魯鄒
後始卓犖稱軻丘聖賢與命相楯矛勢欲強達誠無
由詩人况又多窮愁李杜亦不爲公侯公窺窮阨以
身投坎壈坐老當誰尤吁嗟豈卽非善謀虎豹雖死
皮終畱飄然載喪下陰溝粉書軸幅懸無旒高堂萬
里哀白頭東望使我商聲謳

○○○ 遊章義寺

卷四十八

九日章義寺倦遊因解鑣拂榻寄午夢起尋北山椒
岑蔚鳥絕迹悲鳴唯一蜩歡言與僧期於此共簞瓢
斬松八九根窻壁具一朝伏檻何所見蒼蒼圍寂寥
巖谷寒更靜水泉清不搖安得有車馬尚無漁與樵
神茂真觀復心明衆塵消陰嶺有嘉客儻來不須招

○○○ 飯祈澤寺

卷四十八

駕言東南遊午飯投僧館山白梅蘂長林黃柳芽短
零簪沙際來略約桑閒斷春映一川明雪消千壑漫
魚隨竹影浮鳥誤人聲散翫物豈能畱干時吾自懶

荅瑞新十遠

遠水悠然碧遠山天際蒼中有山水人寄我十遠章
我時在高樓徒倚觀八荒亦復有遠意千載不相忘

送文學士倅邛州

文翁出治蜀蜀士始文章司馬唱成都嗣音得琳瑯
犖犖漢寄孫千秋起相望操筆賦上林脫巾選爲郎
擁書天祿閣奇字校偏傍忽乘駟馬車牛酒過故鄉
時平無諭檄不訪碧雞祥問君行向爲關隴正繁霜
中和助宣布循吏綴前芳豈特爲親榮區區夸一方

送宋中道倅洺州

漳水不灌鄴不知幾何時後世有史起乃能爲可爲
余嘗憐洺民烏鹵半不治頗覺漳可引但爲談者嗤
高議不同俗功成人始思夫子到官日勿忘吾此詩

送張公儀宰安豐

楚客來時鴈爲伴歸期祇待春冰泮鴈飛南北三兩
回回首湖山空夢亂秘書一官聊自慰安豐百里誰
復歎揚鞭去去及芳時壽酒千觴花爛熳

送陳諤

有司昔者患不公翻名騰書今故密論才相若子獨
棄外物有命真難必鄉間孝友莫如子我願卜隣非
一日朱門弈弈行多慚歸矣無爲惡蓬華

送孫長倩歸輝州

溪澗得雨潦奔溢不可航江海收百川浩浩誰能量
溪澗之日短江海之日長願生畜道德江海以自方

送喬執中秀才歸高郵

薄飯午不羹空爐夜無炭寥寥日避席烈烈風欺幔
謂予勿惡此何爲向子歎長年客塵沙無婦助親爨
寒暄慰白首我弟纔將冠迢迢歲又晚想見淮湖漫
古人一日養不以三公換田園在戮力且欲歸鋤畔
行矣子誠然光陰未宜翫負米力有餘能無讀書伴

雲山詩送正之

雲山參差碧相圍溪水詰曲帶城陴溪窮壤斷至者
誰予獨與子相諧熙山城之西鼓吹悲水風蕭蕭不
滿旗子今去此來無時予有不可誰予規

送原才身才已與子柞知自吾得逢原知子更不疑

蘇軾子今去北來無却亦不可謂子賦

精于斷與子昧詰然山如之西楚如悲水風蕭蕭不

雲山參差美豈昧圍奚水詰曲帶如甲奚窳窳繼至首

溪湖雲山詰送五丈日長願生奇道德江海以自方

計矣子姑然式劍未宜謂負米之亦翰翰無齷齪料

古人一日養不以三公與田園五粳之且裕魏越

寒鄙操曰首其美蘇洪匠豈豈又朝賦其哉賦

新刻臨川王介甫先生詩集卷十

古詩

和甫如京師微之置酒

季子將北征貂裘解亭臯使君擁鳴騶出餞載酒醪
作詩寵行色坐客多賢豪信知大夫才能賦在登高
陟圯憂未已強歌反哀號問言歸何時逮此冬風饕
川塗良阻脩筆轡慎所操黃屋初啓聖萬靈歸一陶
詢謀及踈賤拔取皆時髦往矣果有合可辭州縣勞

別孫莘老

逢原未熟我已與子相知自吾得逢原知子更不疑

玉函川文集卷一
把手湖上舟望子欲歸時茫然乃分散獨背東南馳
寥寥西城居邂逅與子期雞鳴入省門朱墨來紛披
含意不自得強顏聊爾爲會合常在夜青燈照書詩
徃徃並衾語至明不言疲忽忽捨我去使我當從誰
送子不出門我身方羈縻我心得自如今與子相隨
隨子至湖上逢原所嘗嬉想見荷葉盡北風卷寒漪
已懷今日愁更念昔日悲相逢亦何有但有鏡中絲

寄丁中允

寶臣

人生九州間泛泛水中木漂浮隨風波邂逅得相觸
始我與夫子得官同一州相逢皆偶然情義乃綢繆
我於人事踈而子久矣修磨礱以成我德大不可磨
乖離今六年念子未嘗休豈不道相逢但得頃刻留
欣喜不滿顏長年抱離憂古人有所思千里駕車牛
如何咫尺間而不與予遊顧惜五斗米無辜自拘囚
念彼磊落者心顏兩慚羞剡山碧榛榛剡水日夜流
山行苦無巖水淺亦可舟使君子所善來檄自可求
何時子來意待子南山頭

示平甫弟

汴渠西受崑崙水五月奔湍射黃矢高淮夜入忽倒
流碕岸相看欲生觜萬檣如山屹不動嗟我仲子行

亦止自聞留連且一月每得問訊猶千里老工取河
天上落伏礫遘沙卷無底土橋立馬望城東數日知
有相逢喜牆隅返照媚槐榖池面過雨蘇篁葦欣然
把手相與閑所願此時無一詭豈無他憂能老我付
與天地從今始閉門爲謝載酒人外慕紛紛吾已矣

憶北山送勝上人

蒼藤翠木江南山激激流水兩山間山高水遠魚鳥
樂車馬跡絕人長閑雲埋樵聲隔蔥蒨月弄釣影臨
潺湲黃塵滿眼依可濯夢寐惆悵何時還

相國寺啓同天節道場行香院觀戲者

侏儻戲場中一貴復一賤心知本自同所以無欣怨

馬上轉韻

三月楊花迷眼白四月柳條空老碧年光如水儘東
流風物看看又到秋人世百年無幾許何須戚戚長
辛苦富貴功名自有時簞瓢捽茹亦山雌

乙巳九月登冶城作

欲望鍾山岑因知冶城路躋攀隱木杪稍記曾遊處
紅沉渚上日蒼起榛中霧卽事有哀傷山川自如故

過劉貢甫

去年約子遊山陂今者仍爲大梁客天旋日月不少

留稱意人間寧易得天明徑欲相就語雲雪填城萬
家白冬風吹鬣馬更驕一出何由問行迹能言竒字
世已少終欲追攀豈辭劇枕中鴻寶舊所傳飲我寧
辭酒或索吾願與子同醉醒顏狀雖殊心不隔故知
今有可憐人回首紛紛斗筭窄

估玉

潼關西山古藍田有氣鬱鬱高挂天雄虹雌霓相結
纏晝夜不散非雲煙秦人挾斤上其巔視氣所出深
鑿鑄得物盈尺方且堅以斤試叩聲泠然持歸市上
求百錢人皆疑嗟莫愛憐大梁老估聞不眠操金喜
取走踟躕深藏牢包三十年光怪隣里驚相傳欲獻
天子無由緣朝廷昨日鍾鼓縣呼工琢圭冥神筵玉
材細鎖不中權賈孫抱物詔使前紅羅複疊怕紫氎
發視紺碧光屬聯詔問與價當幾千衆工讓口無敢
先嗟我豈識真一作龐與全

信都公家白兔

卷四十九

水精品爲宮玉爲田常嫦娥縞衣洗朱訟訟宮中老兔非日
浴天使潔白宜嬋娟揚鬚彌足桂樹間桂花如霜亂
後前赤鷁相望窺不得空疑兩瞳射日丹東西跳梁
自長久天畢橫施亦何有憑光下視置罔繫衣裼紛

紛漫回首去年驚墮淙山雲出入虛莽猶無羣竒毛
難藏果亦得千里今以窮歸君空衢險幽不可返食
君庭除嗟亦窘令予得為此兔謀豐草長林且遊衍

車螯二首

車螯肉甚美由美得烹燔殼以無味棄棄之能久存
予嘗憐其肉柔弱甘咀吞久嘗恠其殼有功不見論
醉客快一噉散投墻壁根寧能為收拾持用訊醫門

二

車螯肉之弱恃殼保厥身自非身有求不敢微啓唇
尚恐擲者得泥沙常埋埋往往湯火間身盡殼空存
維海錯萬物口牙且咀吞爾無如彼何可畏寧獨人
無為久自苦含匿不暴陳豁然從所如游蕩四海濬
清波躍其汗白日曬其昏死生或有在豈遽得烹燔

與平甫同賦槐

卷四十九 一

冰雪泊楚岸萬株同飄零春風都城居初見葉青青
歲行如車輪蔭翳忽滿庭秋子今在眼何時動江舲

甘棠梨

卷四十九 二

甘棠詩所歌自足誇衆果愛其凌秋霜萬玉懸磊砢
園夫盛採摘市賈爭包裹車輪動盈箱舟載輒連柁
朝分不知數暮在知幾顆但使甘有餘何傷小而櫛

主人捐千金，釘鉅留四坐。柑檉與橙栗，在口亦云可。
都城紛華地，內熱易生火。問客當此時，蠲煩孰如我。
獨山梅花卷四十九 獨山梅花何所似，半開半謝荆棘中。美人零落依草
木，志士顛顛守蒿蓬。亭亭孤豔帶寒日，漠漠遠香隨
野風。移栽不得根欲老，回首上林顏色空。

同昌叔賦鴈奴卷四十九

鴻雁無定棲，隨陽以南北。嗟哉此爲奴，至性能懇惻。
人將伺其殆，奴輒告之亟。舉羣寤而飛，機巧無所得。
夜或以火取，奴鳴火因匿。頻驚莫我捕，顧謂奴不直。

嗷嗷身百憂，泯泯衆一息。相隨入罾繳，豈不聽者惑。
偷安與受給，自古有亡國。君看雁奴篇，禍福甚明白。

老樹卷四十九

去年北風吹瓦裂，墻頭老樹凍欲折。蒼葉蔽屈忽扶
踈，野禽從此相與居。禽鳴無時不可數，雌雄各自應
律呂。我牀撥書當午眠，能驚我眠聒我語。古詩鳥鳴
山更幽，我念不若鳴聲收。但憂此物一朝去，狂風還
來欺老樹。

賦棗得燭字卷四十九

種桃昔所傳，種棗予所欲。在實爲美果，論材又良木。

餘甘入鄰家尚得饒婦逐況余秋盤中快噉取饜足
風包墮朱繒日顆皺紅玉贊享古已然函詩自宜錄
朽懷青齊間萬樹蔭平陸誰云食之昏匿知乃成俗
廣庭觴聖壽以此參肴款願比赤心投皇明儻予燭

飛鴈卷四九十二

鴈飛冥冥時下泊稻梁雖少江湖樂人生何必慕輕
肥辛苦將身到沙漠漢時蘇武與張騫萬里生還值
偶然丈夫許國當如此男子辭親亦可憐

寓言九首卷五十五

誦誦古之士出必見禮樂羣游與君飲仁義待揚摧
心疲歌舞荒耳聒米鹽濁所以後世賢絕俗乃為

二

不得君子居而與小人游疵瑕不相摩况乃稠疊稠
高語不敢出鄙辭強顏酬始云避世患自覺日已偷
如傳一齊人以萬楚人咻云復學齊語定復不可求
仁義多在野欲從苦淹留不悲道難行所悲累身修

三

周公歌七月耕稼乃王術宣王追祖宗考牧與宮室
甘棠能聽訟召伯聖人匹後生論常高於世復何實

四

婚喪孰不供貨錢免爾縈耕收孰不給傾粟助之生
物羸我收之物窘出使營後世不務此區區控兼并

五

正觀業萬世經營豈非艱其子一搖之宗廟靈幾殫
開元始聰明一青犇岷山功高後毀易德薄人存難

六

言失於須臾百世不可除行失几席間惡名滿八區
百年養不足一日毀有餘諒彼恥不仁戒哉惟厥初

七

鐘鼓非樂本本末猶相因仁聲人人深孟子言之醇

如何正觀君從古同隋陳風俗不粹美惜哉世無臣

八

遊鯨厭海濁出戲清江涓風濤助翻騰網罟不敢窺
失身洲渚間螻蟻乘其機物大苦易窮一窮無所歸

九

猛虎臥草間羣鳥從噪之萬物忌強梁寧獨以其私
虎終機械得鳥亦彈丸隨山鷄不忤物默與鳳凰期

舟中讀書

卷五十一

冉冉水葉下蕭蕭山水秋浮雲帶田野落日抱汀洲
歸臥無與語出門何所求未能忘感慨聊以古人謀

和王樂道讀進士試卷

卷五十一

文章始隋唐進取歸一律安知鴻都事竟用程人物
變今嗟未能於已空自咄流波亦已漫高論常見屈
故令俶儻士往往棄堙鬱二臯陶叙九德固有知人術
聖世欲爾為徐觀異人出

自訟 卷五十一

孔子見南子子路為不怡欲從公山氏勃鬱見色辭
道如天之蒼萬物不能緇弟子尚不信況余乏才資
明知古人仁語默各有時苟出不自慎果為聽者疑
白圭尚有磨駟馬猶能追一言成不智知雖悔欲何為

彼狂 卷五十一

上古杳默無人聲日月不忒山川平人與鳥獸相隨
行祖孫一死十百生萬物不給乃相兵伏羲畫法作
後城注漁蟲獵獸寬羣爭勢不得已當經營非以示世
為聰明方分類別物有名夸賢尚功列恥榮蠱偽日
巧雕元精至言一出衆輒驚上智閉匿不敢成因時
就俗救則黥惜哉彼狂以文鳴強取色樂要注聳育震
湯沈濁終無清詎詭徒亂聖人氓豈若泯默死蠶耕

衆人 卷五十一

衆人紛紛何足競是非吾喜非吾病頌聲交作莽豈

賢四國流言日猶聖唯聖人能輕重人不能銖兩爲
千鈞乃知輕重不在彼要之美惡由吾身

新刻臨川王介甫先生詩集卷十一
古詩
寄題郢州白雪樓 卷四六十一
折楊黃華笑者多陽春白雪和者少知音四海無幾
人况乃區區郢中小千載相傳始欲慕一時獨唱誰
能曉古心以此分冥冥俚耳至今徒擾擾朱樓碧瓦
何年有榱桷連空欲驚矯郢人爛漫醉浮雲郢女參
差躡飛鳥丘墟餘響難再得欄檻茲名復誰表我來
欲歌聲更吞石城寒江暮雲繞

聖俞爲狄梁公孫作詩要予同作

王臨川文集卷十一
虎豹不食子鴟梟不乘雄人惡甚鳥獸吾能與成功
愛有以計畱去有勢不容吾謀適合意幾亦齒姦鋒
時恩淪九泉喪取異代忠堂堂社稷臣近世孰如公
空使苗裔稱稱揚得詩翁一讀亦使我慨然想餘風

蒙亭

隱者委所逢在物無不足山林與城市語道歸一轂
詩人論巨細此指尚局束頗知區區者自屏忍所欲
孰識古之人超然遺耳目豈於喧與靜趣舍有偏獨
命亭今何爲似乃畏驚俗至意不標揭小名聊自屬
夏風簷楹寒冬雪惚戶燠春樊亂梅柳秋徑深松菊
壺觴日笑傲裙屣相追逐此樂已難言持琴作新曲

和王樂道烘虱

秋水汗流如炙輶敝衣濕蒸塵垢浣施施衆虱當此
時擇肉甘於虎狼餓咀嚙侵膚未云已爬搔次骨終
無那時時對客輒自捫千百所除纔幾箇皮毛得氣
強復活爪甲流丹真暫破未能湯沐取一空且以火
攻令少挫踞爐熾炭已不暇對竈張衣誠未過飄零
乍若蛾赴燈驚擾端如蟻旋磨欲毆百惡死焦灼肯
貸一凶生棄播已觀細黠無所容未放老奸終不墮
然臍郿塢患溢世焚寶鹿臺身易貨冢中燎入化秦

三田川文集卷十一
屍池上炊隨遷莽坐彼皆勢極就煙埃况汝命輕侔
涕唾逃藏壞絮尚欲索埋沒死灰誰復課一本無熏此八句
心得禍爾莫悔爛額收功吾可賀猶殘衆蟻恨未除
自計寧能久安卧

和聖俞農具詩十五首

田廬

田父結田廬聊容一身息呼兒取茅竹不借鄉人力
起行廬旁朝歸臥廬下夕悠悠各有願勿笑田廬窄

樵斧

百金聚一冶所賦以所遭此豈異莫耶奈何獨當樵
朝出在人手暮歸在八腰用捨各有時此日兩無邀

耕牛

朝耕草茫茫暮耕水滴滴朝耕及露下暮耕連月出
自無一毛利主有千箱實耽彼天上星空名豈余匹

水車

取車當要津膏潤及遠野與天常幹旋如雨自深瀉
置心亦何有在物偶相假此理乃可言安得圓機者

牧笛

綠草無端倪牛羊在平地芊綿杳靄間落日一橫吹
迢遙送逸響澶漫寫真意豈比賣錫人吹簫販童穉

颺扇

精良止如畱 疏惡去如擯 如擯非爾憎 如畱豈吾吝
無心以擇物 誰喜亦誰愠 翁乎勤簸颺 可使糠粃盡

田漏

占星昏晚中 寒暑已不疑 田家更置漏 寸晷亦欲知
汗與水俱滴 身隨陰屛移 誰當哀此勞 往往奪其時

牛衣

百獸冬自暖 獨牛非氈毛 無衣與卒歲 坐恐得空牢
主人覆護恩 豈啻一綈袍 問爾何以報 離離滿東臯

樓種

富家種論石 貧家種論斗 富貧同一時 傾瀉應心手
行看萬壟空 坐使千箱有 利物博如此 何慙在牛後

耒耜

耒耜見於易 聖人取風雷 不有仁智兼 利端誰與開
神農后稷死 般爾相尋來 山林盡百巧 揉斲無良材

錢鏹

於易見耒耜 於詩聞錢鏹 百工聖人爲 此最功不薄
欲收禾黍善 先去蒿萊惡 願同斲器悟 更使臣工作

耨耪

鍛金以爲曲 揉木以爲直 直曲相後先 心手始兩得

秦人望屋食以此當金革君勿易耰耨耰耨勝鋒鏑

襪

采采霜露下披披煙雨中蒲茅以爲友短褐相與同
勿妬市門人綺紈被奴僮當慙邊城戍擐甲徂春冬

臺笠

史記索隱謂蓬累笠也

耕有春雨濡耘有秋陽暴二物應時須九州同我服
欲爲生少慕得此自云足君思周伯陽所願豈華轂

耘鼓

逢逢戲場聲攘攘戰時伍日落未云休田家亦良苦
問兒今壟上聽此何莽鹵昨日應官絲州前看歌舞

次韻酬微之贈池紙并詩

微之出守秋浦時椎水看擣萬穀皮波工龜手咤今
樣魚網肯數荊州池霜紈奪手賈不售虹玉喪氣山
無輝方船穩載獻天子善價徐取供吾私十年零落
尚百一持以贈我隨清詩君寧久寄金穀地方執賜
筆磨切螭當畱此物朝上國日侍帝側書新儀不
然名山副史本褻拔元凱誅窮奇咨予文章非世用
畫鏤空爾糜冰脂揮毫才足記姓字竊學又恥從師
宜忽忽點汗亦何忍嘉貺但覺難爲辭篇終有意責
趙璧窮國恐誤連城歸傾囊倒篋聊一報安敢坐以

王臨川文集卷十一
秦爲雌

酬冲卿月晦夜有感

夜雲不見天況乃星與月蕭蕭暗塵走坎坎寒更發
樓歌客尚飲醕酏不畏雪巷哭復有人鄰風送幽咽
紛然各所遇悲喜孰優劣君方感莊周浩蕩擺羈絆
歸來亦置酒王指調絃撥獨我坐無爲青燈對明滅

送子思兄參惠州軍

泐泐曲江水天借九秋色樓臺飛半空秀氣盤韶石
載酒填里閭吹花換朝夕笙簫震河漢錦繡爛冠幘
地靈瘴厲絕人物傾南極先朝有名臣臥理訟隨息
稍稍延諸生談笑與賓客子來適妙年謁入交履舄
寂寥九齡後此獨望一國虞翻禮丁汜韓愈俟趙德
孤听鎮頽波俗流未易識我方文葆中旋逐旌旗蹟
去思今豈忘耳目熟遺迹吏舍殷勤言俛仰問乖隔
當時府中兒侵尋鬢邊白下帷雖著書不抹寒饑迫
謂宜門闌士官路久烜赫奈何猶差池更捧丞掾檄
驥摧千里蹄鵬墮九霄翮人生無巧愚天運有通塞
試觀馳騁人意氣宇宙窄榮華去路塵謗辱與山積
優游祿士間較計誰失得送君強成歌陟岵翻感激

送董伯懿歸吉州

我來以喪歸君至因謫徙蒼黃憂患中邂逅遇於此
去年服初除聽赦相助喜看君數歸月但屈兩三指
茫然冬更秋一笑非願始籃輿楊柳下明月芙蓉水
僮饑屢闕門客罷方隱几是非評衆詩成敗斷前史
時時對奕石漫浪爭生死送迎皆幅巾設食但陳米
亦曾戲篇章揮翰疾蒿矢君豪才有餘我老憊先止
東城景陽陌南望長干紫欲斲三畝蔬於焉寄殘齒
經過許後日唱和猶在耳新恩忽捨我欣悵生彼已
江湖北風帆捩柂卽千里相逢知何時莫惜縑與緹

八月十九日試院夢冲卿

空庭得秋長漫漫寒露入幕愁衣單喧喧人語已成
市白日未到扶桑間永懷所好卻成夢玉色髮鬢開
心顏逆知後應不復隔談笑明月相與閒

平甫歸飲

無田士相弔亦以廢燕樂我官雖在朝得飲乃不數
詩書向牆戶賓至無杯杓空取上古言醜之等糟粕
有如揚子雲歲晚天祿閣但無載酒人識字真未博
叔兮歸自東一笑堂上酌緒餘不及客兒女聊相酢
高談非世歡自慰亦不惡寄言繁華子此趣由來各

答陳正叔

天馬志萬里駕鹽不如閑壯士困局束不如棄之完
利行有阨轍勢涉無恬瀾明明千年羞促促一日歡
孰肯避此世引身取平寬超然子有意為我歌考槃
予方慕孔氏委吏久盤桓得失未云殊聊各趨所安

過食新城藕

他年過食新城藕枕藉船中載親友今年却到經行
處獨坐昏煙對舞柳甘酸向口無所適牢落盤餐與
樽酒冰房玉節漫自好欲御還休涕垂手曾參宦學
居常近陽城離別初不久人間此願兩未能西風落
日空回首

明州錢君倚眾樂亭卷四六二

侯君幕府開東部名高海曲人知慕艤船談笑政即
成洗滌山川作嘉趣平泉浩蕩銀河注想見明星弄
機杼載沙築成天上路投虹為橋取孤嶼掃除荆棘
水中央碧瓦朱甍隨指顧春風滿城金版舫來看置
酒新亭上百女吹笙綵鳳悲一夫伐鼓靈鼉壯安期
羨門相與遊方丈蓬萊不更求酒酣忽跨鯨魚去陳
迹空令此地留

愛日卷五十一二十一

鴈生陰沙春冬息陽海滋冥冥取南北豈以食為累

三國川文集卷十一
谷予愁病軀朴鄙人所戲無才治時難量力當自棄
豈知塞上霜飄然亦何事高堂已白髮愛日負明義
悲風吹平原秣馬聊一榻舍懷孰與語仰屋思嘆喟
孟母知身從萊妻恥人制一肉儻易謀萬鍾非得計
荅裴煜道中見寄

君遊苦數歸苦晚一驛險有千里遠知君陟降且暮
間馬力不勁厭長坂雨脚墜地花枝低風頭入溪浦
葉偃此處登臨不奈愁瓊樹森森遮疊嶽

餘寒

卷四十九

餘寒駕春風入我征衣裳捫鬢^鬢祗得凍蔽面尚疑創
士耳恐猶墜馬毛欲吹僵牢持有失箸疾飲無留湯
曛曛扶桑日出有萬里光可憐當此時不濕地上霜
冥冥鴻雁飛北望去成行誰言有百鳥此鳥知陰陽
豈時有必至前識聖所臧把酒謝高翰我知思故鄉

孤城

孤城回望^{一作首}距幾何記得好處常經過最思東山
煙樹色更憶南湖秋水波百年顛倒^{一作三}如夢寐
萬事乖隔^{一作萬}徒悲歌應須飲酒不復道今夜江
頭明月多

和微之藥名勸酒

赤車使者錦帳郎從客珂馬留閑坊紫芝眉宇領一
坐笑語但聞雞舌香藥名勸酒詩實好陟釐爲我書
數行真珠的皪鳴槽床金罌琥珀正可嘗史君子細
看流光莫惜覓醉衣淋浪猶醒至死誠可傷歡華易
盡悲酸早人間沒藥能醫老寄言歌管衆少年趣取
烏頭未白前

客至當飲酒二首

結屋在牆陰閉門讀詩書懷我平生友山水異秦吳
杖藜出柴荆豈無馬與車窮通適異趣談笑不相愉
豈復求古人浩蕩與之俱客至當飲酒日月無根株

天提兩輪光環我屋角走自從紅顏時照我至白首
纍纍地上土徃徃平生友少年所種樹礫珂行復朽
古人有真意獨在無好醜冥冥誰與論客至當飲酒
乙未冬婦子病至春不已

天旋無窮走日月青髮能禁幾回首兒呻婦嘆冬復
春強欲笑歌難發口黃卷幽尋非貴嗜藜牀穩臥雖
貧有二物長垂亦可憐一生所得猶多苟

強起

寒堂耿不寐輾轉聞車聲不知誰家兒先我霜上行

王臨川文集卷十一
歎息夜未央遽呼置前楹推枕欲強起問知星星正明
昧旦聖所勉齊詩有雞鳴嗟予以竊食更覺負平生

飲裴侯家

裴侯飲我日向中四坐賓客顏皆紅掃除高館邀我
人自出糶麥憐民窮天邊眼力破萬里桑麻冥冥山
四起野心探尋殊未已更欲漙衣北城水忽見碧樹
櫻桃懸下馬恣食不論錢赤星磊落入我眼恐是半
醉遊青天裴侯方坐塵沙裏沒身救物當如此我曹
偶脫簿領間何忍愛惜一日間且歸拂席飽眠睡明
日更看滁南山

送謝師宰赴任楚州

珠玉不自貴故爲人所羨賢愚亦如此好惡有自然
聞子欲東南使我抱幽憤炎風沙土中甘與子留連
天梁非無客跪起廢食眠相看獨不厭以此知子賢
哀氣已難強壯心方少年才高豈易得勗子在雕鐫

二

崑崙一支流向東七月八月船如風愛君少壯此行
樂恨我留連成老翁神頭兩岸水無窮伏檻荷花滿
地紅當時不得君攜手今日山川在眼中

次韻遊山門寺望文春山

宣城百山間文脊尤奇峰拔出飛鳥上圖畫難為容
聞昔有幽人捫蘿追赤松遺形此古室孤坐鹿裘重
人去邈不反洞壑空藏龍側行蒼崖煙俯仰求靈蹤
遊者如可得甘棄萬戶封安能久塵土傾倒相迎逢

車螯

海於天地間萬物無不容車螯亦其一埋沒沙水中
獨取常苦易衛主乏明聰機緘誰使然含蓄略相同
坐欲腸胃得要令湯火攻置之先生盤噉客為一空
蠻夏怪四坐不論殼之功狼籍堆左右棄置任兒童
何當強收拾持問大鑿工

疥

浮陽燥欲出陰濕與之戰燥濕相留連蟲出乃投間
搔膚血至股解衣燎熨方其愜心時更自無可患
呼醫急治之莫惜千金散有樂即有苦愜心非所願

徐行稍復通所屬亦已深精神去曹曹氣象來漸漸

即言以行半移船傍答兼窺觀坐窮前未覺吾刻淹

江空萬物息四面皮開活我然九女髮為出一鏡臉

臥送秋月及起看朝陽遊氛蕩無餘頰細得盡現

...

和習忘年之莫前干
立精本樂鳴首苦烈心非何願
劉寶血至郊神不寧
及其烈心却更自無可患
半則歎浴出創然與之輝歟感卧留更蟲出八交間

燕

新刻臨川王介甫先生詩集卷十二

古詩

和平甫舟中望九華山二首

楚越千萬山雄奇此山兼盤根雖巨狀其末乃脩纖
去縣尚百里側身勇前瞻蕭條煙嵐上縹緲浮青尖
徐行稍復逼所矚亦已添精神去疊疊氣象來漸漸
卸席取近岸移船傍蒼兼窺觀坐窮曠未覺晷刻淹
江空萬物息四面波瀾恬我然九女髮爲出一鏡隘
臥送秋月沒起看朝陽暹遊氛蕩無餘瑣細得盡覘
陵空翠燾直照影寒銜銛鉅冢木立紺髮崖林張紫髯

變態生倏忽雖神詎能占當留老吾身少駐誰云壓
惜哉秦漢君黃屋上衡濤等之事嬉遊捨此何其廉
我疑二后荒神物久已厭埋藏在雲霧不歆登昏憒
又疑避褒封蔽匿以爲讓或是古史書脫落簡與籤
當時備巡遊今不在湘縑終南秦之望泰山魯所詹
天王與秩祭俎豆羅醢鹽苟能澤下民維此遠亦沾
方今東南旱土脉燥不黏尚無膚寸功豈免竊食嫌
神莽吾難知士病吾能砭文章巧傳會智術工飛箝
薦寶互珪璧論材自梗柟苟以飾婦妾謬云活蒼黔
豈如幽人樂茲山謝閭閻穴石作戶牖垂泉當門簾
尋竒出後徑覽勝倚前簷超然往不返舉世徒咕咕
高興寄日月千秋伴烏蟾遐追商洛翁秦火不能炎
近慕楚穆生意脫楚人鉗吾意竊所尚人謀諒難介

二

誰謂九華遠吾身未嘗詹唱篇每起予予口安能籍
憶在秋浦北空江上新蟾光潔寫一鏡迴環兩堤奩
露坐引衣襟風行歌帽簷維舟當此時巨細得盡瞻
試嘗論大略次乃述微纖此山廣以深包畜萬物兼
噓雲吐霧雨生育靡不漸巍然如九皇德澤四海沾
此山相後先各出羣峯尖毅然如九宮羅立在堂廉

挺身百辟上附麗無姦儉此山高且寒五月不覺炎
草樹萋已綠冰霜尚涵淹頽然如九老白髮連蒼髯
此山當無雲秀色鬱以添姤然如九女靚飾出重簾
珮環與巾裙紺玉青紈縑遠之妍西施近或醜無鹽
變態不可窮詩者徒咕咕我初勇一徃役世難安恬
浪荒不走職民瘼當誰砭乖離今數旬夢想欲窺覘
日期得所如何啻釋因鉗念昔太白巔下視海日暹
竭來天柱遊屐齒尚苔黏猶之健飲食屢饗亦云饜
胡爲慕攀踏已憊且不嫌豈其仁智心山水固所潛
男兒有所學進退不在占功名苟不諧廊廟等閭閻
況乃榆椽棧其誰辨榱桷歸歟巖崖居料理帶與簔
得石坐兀兀逢泉飲厭厭取舍斷在獨豈必詢謀僉
子語實慰我寧殊邑中黔玉枝將在山當倚以葭蒹
詩力我已屈鋒鏃子猶銛扶復更一戰語汝其無謙
和中甫兄春日有感

雪釋沙輕馬蹄疾北城可遊今暇日濺濺溪谷水亂
流漠漠郊原草爭出嬌梅過雨吹爛熳幽鳥迎陽語
啾唧分香欲滿錦樹園剪綵休開寶刀室胡爲我輩
坐自苦不念茲時去如失飽開高逕動車輪甘臥空
堂守經帙淮蝗蔽天農久餓越卒圍城盜少逸至尊

深拱罷簫韶元老相看進刀筆春風生物尚有意壯
士憂民豈無術不成歡醉但悲歌回首功名古難必
信陵坊有籠山樂官

萬里山林姿羽毛何璀璨鳴聲應律呂唯有知者愛
都門市井兒誰翫汝文采應須鎖樊籠勿受丸增害
收鹽 卷五十一 二十三

州家飛符來北櫛海中收鹽今復密窮囚破屋正嗟
歎吏兵操舟去復出海中諸島古不毛島夷為生今
獨勞不煎海水餓死爾誰肯坐守無亡逃爾來賊盜
往往有劫殺賈客沈其艘一民之生重天下君子恐
與爭秋毫

省兵 卷五十一 二十四

有客語省兵兵省非所先方今將不擇獨以兵乘邊
前次已破散後距方完堅以衆充彼寡雖危猶幸全
將既非其才議又不得專兵少敗孰繼胡來飲秦川
萬一雖不爾省兵當何緣驕惰習已久去歸豈能田
不田亦不桑衣食猶兵然省兵豈無時施置有後前
上功所由起古有七月篇百官勤儉慈勞者已息肩
游民慕草野歲熟不在天擇將付以職省兵果有年

發廩

先王有經制頒賚上所行後世不復古貧窮主兼并
非民獨如此爲國賴以成築臺尊寡婦入粟至公卿
戊嘗不忍此願見井地平大意苦未就小官苟營營
三年佐荒州市有棄餓嬰駕言發富藏云以救鰥惇
崎嶇山谷間百室無一盈鄉豪已云然罷弱安可生
茲地昔豐實土沃人良耕他州或皆厥貧富不難評
爾詩出周公根本詎宜輕願書七月篇一寤上聰明

感事

賤子昔在野心哀此黔首豐年不飽食水旱尚何有
雖無剽盜起萬一且不久特愁吏之爲十室災八九
原田敗粟麥欲訴嗟無昧間關幸見省咎扑隨其後
況是交冬春老弱就僵什州家閉倉庾縣吏鞭租負
鄉鄰銖兩徵坐逮空南畝取貲官一毫姦桀已云富
彼昏方怡然自謂民父母竭來佐荒郡慄慄常漸病
昔之心所哀今也執其咎乘田聖所勉況乃余之陋
內訟敢不勤同憂在僚友

美玉

美玉小瑕疵國工猶珍之大賢小玷缺良交豈其絕
小缺可以補小瑕可以磨不補亦不磨人爲奈爾何

寄曾子固

吾少莫與合愛我君爲最君名高山嶽蝸壁高與太
低心收卷反似不讓塵壒又如滄江水不逆溝畎滄
君身揭日月遇輒破氛靄我材特窮空無用補倉廩
謂宜從君久垢污得淘汰人生不可必所願每顛沛
乖離五年餘牢落千里外投身落俗窳薄宦自鉗鈇
平居每自守高論從誰巧搖搖西南心夢想與君會
思君挾竒璞願售無良僧窮閭抱幽憂凶禍費襦袴
州窮吉士少誰可壻諸妹仍聞病連月醫藥誰可賴
家貧奉養狹誰與通貨貝詩人刺曹公賢者荷戈殺
奈何遭平時德澤盛汪滅鸞鳳鳴且下萬羽來翩翩
啣啣林間鹿爭出噬臣藟乃令高世士動輒遭狼狽
人事旣難了天理尤茫昧聖賢多如此自古云無奈
周人貴婦女扁鵲名醫滯今世無常勢趨舍唯利害
而君信斯道不閔身窮泰弃捐人間樂濯耳受天籟
諒知安肥甘未肯顧糠粃龍螭雖蟠屈不慕蛇蟬蛻
令人重感奮意勇忘身最何由日親炙病體同砭艾
功名未云合歲月尤須惜懷思切劘劘中夜淚霑霑
君嘗許過我早晚治車軌山溪雖峻惡高眺發蒙肺
峯巒碧參差木樹青晻藹桐江路尤駛飛漿下鳴瀨
魚村指暮火酒舍瞻晨旆清醪足消憂玉鯽行可膾

行行願無留日夕佇傾蓋會將見顏色不復謀著蔡
延陵古君子議樂恥言鄩細事豈足論故欲論其大
披披發鞬橐懍懍見戈銳探深犯嚴壁破惑翻強旌
離行步步空蘭偶坐陰松檜宵床連衾幃晝食共麕糲
茲歡何時合清瘦見衣帶作詩寄微誠誠語無綵繪
同杜史君飲城南

山公遊何處白馬鳴翩翩檀那十畝碧五月浮寒烟
留客聽其間風吹江海縣出罇不見日竹外空青天
焚蠟助月出酒光發金船狂客惜不去醉翁舞回旋
何必吹簫人玉枝自嬋娟歸路借紅燭雨星低馬前

有感

憶昔與胡子戲娛西域幽放斥僕與馬獨身步田疇
牛豎歌我旁聽之爲久留一接田父語嘆之勝王侯
追逐恨不恣暮歸輒懷愁顧常輕千乘祇願足一丘
子時怪我少好此寂寞遊笙篳不入耳又不甘醪羞
那知抱孤傷罷頓不能適世味已鮮少但餘野心稠
乖離今十年班髮滿我頭昔興亦略盡食眠常百憂
每逢佳山水欲往輒復休方壯遂如此况乃高春秋

送孫叔康赴御史府

古人喜經綸萬事慚強聒時來上青冥俯仰但一節

危言回正山聲利盡毫末由來治亂體宿昔心已達
肯隨俗好惡議論輕自決遺風何寥寥夢寐待豪傑
天書下東南趣召赴嚴闕長林晦朝倫高行隱家闕
新除疇問望宿蘊行施設念吾非忘形此理未易說
別馬祕丞

伯夷惡一世季也皆鄉人吾嘗論夫子有似李之倫
人情路萬殊近世頗荆榛唯君遊其間坦坦得所循
意君誠愷悌慕向從宿昔奈何初相權鵠首已云北
莓莓郊原青漠漠風雨黑冠蓋滿津亭君今去何適

到郡與同官時倅舒州

瀉碧沄沄橫帶郭浮蒼靄靄遙連閣草木猶疑夏鬱
葱風雲已見秋蕭索荒歌野舞同醉醒水果山肴互
酬酢自嫌多病少懽顏獨負嘉賓此時樂

自舒州追送朱氏女弟憇獨山館宿木癩僧舍
明日度長安嶺至皖口

晨霜踐河梁落日憇亭臯念彼千里行惻惻我心勞
攬轡上層岡下臨百仞濠寒流咽欲絕魚鼈久已逃
暮行苦遶迴細路隱蓬蒿驚麕出馬前鳥駭亡其曹
投僧避夜雨古檠昏無膏山木鳴四壁疑身在波濤
平明長安嶺飛雪忽滿袍天低浮雲深更覺所向高

招同官遊東園

青青石上蘂霜至亦已凋冉冉水中蒲爾生信無聊
感此歲云晚欲懽念誰邀嘉我二三子為回東城鑣
幽菊尚可乏取魚繫榆條母為百年憂一日以逍遙

九口 家人遊東山遂遊東園

暑往詎繼時涼歸亦云暫相隨東山樂及此身無憾
聊回清池施更伏荒城檻采采黃金花持杯為君泛

秋懷 卷之十一

城南平野寒多露窻壁舍風秋氣度鄰桑槭槭已欲
空悲蟲秋秋促機杼柴門半掩掃鳥迹獨抱殘編與

神遇韓公既去豈能追孟子有來還不拒

既別羊王二君與同官會飲于城南因成寄

藥名

赤車使者白頭翁當歸人見天門冬與山久別悲忽
忽澤瀉半天河漢空羊王不留行薄晚酒肉從容追
路遠臨流黃昏席未卷玉壺倒盡黃金盞羅列當辭
更繾綣預知子不空青眼嚴徐長卿誤推挽老年揮
翰天子苑送車陸續隨子返坐聽城雞腸宛轉

試茗泉

此泉地何偏陸羽曾未濶坻沙光散射竇乳甘潛洩

王臨川文集卷十二
靈山不可見嘉草何由啜但有夢中人相隨掬明月
躍馬泉

古木縮蛟螭憎山欲墮突山祇來伐之半嶺跳齧膝
玉珂鳴塞空組練光照日崩騰赴不測一陷常萬匹
神戰異人問千秋爲儵忽泉勿往來客夜寄幽人室
但聽鳴蕭蕭何由見神物

白紵山

白紵衆山須江湖所縈帶浮雲卷晴明可見九州外
肩輿上寒空置酒故人會峰巒巒帳錦繡草木吹竿籟
登臨信地險俯仰知天人畱歡薄日晚起視飛鳥背
殘年苦局束往事嗟摧壞歌舞不可求桓公井空在

七星硯

余聞星墮地往往化爲石石上有七星此理余莫測
持來當白日光彩不爲匿恍如起鴻濛俛仰帝垣側
常由偶然似見取參筆墨豪心蕩珍異樂以萬金得
南工始爲僞傳合巧無隙亦時疑世人故自有能識
九鼎

禹行掘山走百谷蛟龍竄藏魑魅伏心誌幽妖尚覲
隙以金鑄鼎空九牧冶雲赤天漲爲黑韞風餘吹山
拔木鼎成聚觀變怪素夜人行歌鬼晝哭功施元元

後無極三姓衛守相傳屬弱周無人有宜出沈之九
自斥地軸始皇區區求不得坐令神姦窺邑屋

九井得盈字

沿崖涉澗三十里高下犖确無人耕捫蘿挽葛到山
趾仰見吹瀉何崢嶸餘聲投林欲風雨未勢卷土猶
溪阮飛蟲凌兢走獸悞霜雪夏落雷冬鳴野人往往
見神物鱗甲漠漠雲隨行我來立久無所得空數石
上菖蒲生中官繫龍沉玉卮小吏磔狗澆銀觥地形
偶爾藏險怪天意未必司陰晴山川在理有崩竭工
壑自古相虛盈誰能保此千世後天柱不折泉常傾

寄題衆樂亭卷四十一

陵陽遊觀吾所好恨不卽過衆樂亭嘗聞髣髴如夢
寐吟筆自欲圖丹青千峰秀出百里外忽於其上崢
蒼楹朝雲嘘岳日暖暖夜水落澗風泠泠春花窈窕
鳥爭舞夏木陰鬱猿哀鳴潦收葉落天地爽海月影
到山川明籃輿晨出誰與適坐與萬物觀虛盈令思
民事不忍後田間笑語催蠶耕吏休歸舍獄訟少墟
落飲酒欲秋成唯愁一日棄令去出來老稚交逢迎
彼民安知方祿仕徒喜使我寬逋征令知道義士林
服遺愛豈用吾詩評

書會別亭 卷四十八

西城路居人送客西歸處年年借問去何時今日扁舟從此去春風吹花落高枝飛來飛去不自知路上行人亦如此應有重來此處時

題舒州山谷寺石牛洞泉穴

皇祐三年九月十六日自州之太湖

過懷寧縣山谷乾元寺宿與道人文銳弟安國擁火遊石牛洞見李翔習之書聽泉久之明日復遊乃刻習之後

水泠泠而北出山靡靡而旁圍欲窮源而不得竟悵望以空歸

王臨川先生文集卷十二終

新刻臨川王介甫先生詩集卷十三

古詩

泊舟姑蘇

朝遊盤門東暮出閶門西四顧茫無人但見白日低荒林帶昏煙上有歸鳥啼物皆得所託而我無安棲

○ ○ 崑山慧聚寺次孟郊韻

卷四十八

僧蹊蟠青蒼莓苔上秋牀露翰饑更清風蘄遠亦香掃石出古色洗松納空光久遊不忍還迫迕冠蓋場

○ ○ 如歸亭順風

卷四十八

春江窈窕來無地飛帆浩浩窮天際朝出吳川夕雪

此首又見卷五十二
律詩

王臨川文集卷十三
溪回首喬林吹哢薺枕師高臥自嘯歌戲彼挽舟行
復止人生萬事反衍多道路後先能幾何

○○○ 垂虹亭

卷四十八 六

三江五湖口地與天不隔日月所蔽虧東西渺然白
漫漫浸北斗浩浩浮南極誰投此虹蜺欲濟兩間阨
中流襟蜃氣欄楯相本翼初疑神所爲滅沒在頃刻
晨興坐其上傲兀至中吳猶憐變化功不謂因人役
今君持酒漿談笑顧賓客頗誇九州物壯麗此無敵
熒煌丹沙柱璀璨黃金壁中家不慮始助我皆豪殖
喟予獨感此剝爛有終極改作不可無還當采民力

○○○ 張氏靜居院

卷四十八 十四

動者利進爲靜者樂正居物性有偏得惟賢時卷舒
張侯始出仕所至多名譽老矣歸偃休買地斲荒蕪
屋成爲令名名實與時俱南堂棲幽真晨起瞻像圖
北堂畫五禽遊戲養形軀燕有諸賓庭學有諸子廬
問侯年幾何矯矯八十餘問侯何能爾心不藏憂愉
問侯客何爲絃歌飲投壺問侯兒何讀夏商及唐虞
嵩山填門戶洛水遶階除疾於山水間結駟有通衢
我念老退者古多賢大夫畱侯亦養生乃欲凌空虛
閉門不飲酒豈異山中臞疎傳稍喜客揮金能自娛

王臨川文集卷十三
不聞喜教子滿屋青紫朱張侯能兼取勝事古所無
褒稱有樂石丞相爲之書而我不自量聞風亦歌呼
丙戌五日京師作二首卷五十一十六
北風閣雨去不下驚沙蒼茫亂昏曉傳聞城外八九
里雹大如拳死飛鳥

二

浮雲離披久不合太陽獨行乾萬物誰令昨夜雨霧
灑北風蕭蕭寒到骨

荅客

士常疑西伯何至姜里辱瞽鯀親父子尚脫井廩酷
昏主雖聖臣飛禍安可卜致命遂其志雖窮不爲戮

次韻唐彥猷華亭十詠

顧林亭

野王所居也

寥寥湖上亭不見野王居平林豈舊物歲晚空扶疎
自古聖賢人邑國皆丘墟不朽在名德千秋想其餘
寒穴

神農冽冰霜高穴與雲平空山澗千秋不出嗚咽聲
山風吹更寒山月相與清北客不到此如何洗煩醒
吳王獵場

吳王好射虎但射不操戈匹馬掠廣場萬兵助遮羅

王臨川文集卷十三
時平事非昔此地桑麻多猛獸亦已盡牛羊在田坡

始皇馳道

穆王得八駿萬事得期修茫茫萬載間復此好遠遊
車輪與馬跡此地亦嘗畱想當治道時勞者尸如丘

柘湖

湖中有山生柘故名柘湖記
云秦有女入湖為神今有廟

柘林著湖山菱葉蔓湖濱秦女亦何事能為此湖神
年年賽雞豚漁子自知津幽妖窟險阻禍福易欺人

陸瑁養魚池

野人非昔人亦復水上居紛紛水中游豈是昔時魚
吹波浮還沒競食糟糠餘吞舟不可見守此歲月除

華亭谷

水行三百里入松江

巨川非一源源亦在眾流此谷乃清淺松江能覆舟
蟲魚何所知上下相沉沉徒嗟大盈北浩浩無春愁

華亭水自大盈入松江而北入海

陸機宅

故物一已盡嗟此歲年深野樨自著花荒棘自生鍼
芊芊谷水陽鬱鬱崑山陰俛仰但如昨遊者不可尋

崑山

世傳陸氏家生機雲故名崑山言生玉也

玉人生此山山亦傳此名崖風與穴水清越有餘聲
悲哉世所珍一出受敬傾不如鶴與猿棲息尚全生

三女岡

吳王葬三女於此

自古世士雄慷慨擅功名當時豈有力能使死者生
三女共一丘此憾亦難平音容若有作無力傾人城

太白嶺

太白巖從東南馳衆嶺環合青紛披煙雲厚薄皆可
愛樹石疎密自相宜陽春已歸鳥語樂溪水不動魚
行遲生民何由得處所與茲魚鳥相諧熙

秃山

吏役滄海上瞻山一停舟怪此秃誰使鄉人語其由
一狙山上鳴一狙從之遊相匹乃生子子衆孫還稠
山中草木盛根實始易求攀挽上極高屈指亦窮幽
衆狙各豐肥山乃盡侵牟攘爭取一飽豈暇議藏收
大狙尚自苦小狙亦已愁稍稍受咋啣一毛不得畱
狙雖巧過人不善操耒耨所嗜在果穀得之常似偷
嗟此海山中四顧無所投生生未云已歲晚將安謀

贈曾子固

曾子文章衆無有水之江漢星之斗挾才乘氣不媚
柔羣兒謗傷均一口吾語羣兒勿謗傷豈有曾子終
皇皇借令不幸賤且死後日猶爲班與揚

鮑公水

村南鮑公山山北鮑公水高
逗遠源泠泠落山嘴
玉色與飴味不可他味此竹樹四蒙密翠藤相披靡
漫郎昔少年幽居得之此臨窺若有遇愛歎無時已
浮名未汙染永矢終焉爾奈何中棄入長安十年風
塵化舊顏謹囂滿耳不可洗此水泠泠空在山

寄李士寧先生

樓臺高聳間晴雲松檜陰森夾柳斜渴愁如箭去年
華陶情滿滿傾榴花自嗟不及門前水流到先生雲
外家

曾德殊家水

不求予詠

卷四十八二十七

淙淙萬音落石顛皎皎一派當簷前清風高吹鸞鶴
唳白日下照蛟龍涎浮雲妝額自能卷缺月琢鉤相
與縣朱門試問幽人價翡翠鮫綃不值錢

杭州修廣師法喜堂

卷四十八二十八

浮屠之法與世殊洗滌萬事求空虛師心以此不挂
物一堂收身自有餘堂陰置石雙嶺嶧石脚立竹青
扶疎一來已覺肝膽豁況乃宴坐窮朝晡憶初救時
勇自許壯大看俗尤崎嶇豐車肥馬載豪傑少得志
願多憂虞始知進退各有理造次未可分賢愚會將
築室返耕釣相與此處吟山湖

王臨川文集 卷十三
復至曹娥堰寄剡縣丁元珍

溪水渾渾來自北千山抱水清相射山深水急無艇
予欲從故人安可得故人昔日此水上罇酒扁舟慰
行役津亭把手坐一笑我喜滿懷君動色論新講舊
惜未足落日低徊已催心自醉不復飲秋果寒
花空滿席今年却坐相逢處怊悵難求別時迹可憐
溪水自南流安得溪船問消息

荅曾子回南豐道中所寄

吾子命世豪術學窮無間直意慕聖人不問閔與顏
彼昏何爲者誣構來嘖嘖應逮犯秋陽動爲人所歎
不卹我躬瘁乃嗟天澤慳令人念公卿燁燁趨王班
泊無憫世意狙猿而佩環愛子所守卓憂予不能攀
永矢從子游合如扉上顰願言借餘力迎浦疎潺潺
亦有衣上塵可攀禪泰山大江秋正清島淑相縈彎
四盼浩無主日暮煙霞斑水竹密以勁霜楓衰更殷
賞託亦云健行矣非間關相期東北遊致館淮之灣
無爲襲甯羸悠然及溫遠

寄贈胡先生

并序

孔孟去世遠矣信其聖且賢者質諸書焉耳翼之先
生與予竝世非若孔孟之遠也聞薦紳先生所稱述

又詳於書不待見而後知其人也歎慕之不足故作是詩

先生天下豪傑魁胃臆廣博天所開文章事業望孔孟不復睥睨蔡與崔十年留滯東南州飽足藜藿安蒿萊獨鳴道德驚此民民之聞者源源來高冠大帶滿門下奮如百蟄乘春雷惡人沮服善者起昔時躑跼今騫回先生不試乃能爾誠令得志如何哉吾願聖帝營太平補葺廊廟枝傾頽披旒發纊廣耳目照徹山谷多遺材先收先生作梁柱以次構架桷與榱羣臣面向帝深拱仰戴堂陛方崔嵬

得曾子固書因寄

始吾居揚日重問每見及云將自親側萬里同講習子行何舒舒吾望已汲汲窮年夢東南顏色不可把仁賢豈欺我正恐事維繫嚴親抱憂衰生理賴以給不然航江外天寒北風急無乃山路惡僕弱馬行澁孤懷未肯開歲物忽如蟄竭來高郵住巷屋頗卑濕蓬蒿稍芟除茅竹隨補葺苟云禦風氣尚恐憂雨汁故人莫在眼屢獨開巾笈忠信蓋未見吾敢誣茲邑出關誰與語念子百憂集晬聽聊自放日暮城頭立徐歸坐當戶使者操書入時開識子意如渴得美湑

驪駒日就道玉手行可執舊學待鐫磨新文得刪拾
重登城頭望喜氣滿原隰

寄虔州江陰二妹

貢水日夜下下與章水期我行二水間無日不爾思
飄若越鳥北心常在南枝又如岐首蛇南北兩欲馳
逝者日已遠百憂詎能追生存苦乖隔邂逅亦何時
女子歸有道善懷見於詩庶云畱汝車慰我堂上慈

登越州城樓

越山長青水長白越人長家山水國可憐客子無定
宅一夢三年今復北浮雲縹緲抱城樓東望不見
回頭人間未有歸耕處早晚重來此地遊

憶昨詩示諸外弟

憶昨此地相逢時春入窮谷多芳菲短垣困困冠翠
嶺躑躅萬樹紅相圍幽花媚草錯襟出黃蜂白蝶參
差飛此時少壯自負恃意氣與日爭光輝乘閑弄筆
戲春色脫略不省旁人譏坐欲持此博軒冕肯言孔
孟猶寒饑丙子從親走京國浮塵全竝緇人衣明年
親作建昌吏四月挽船江上磯端居感慨忽自寤青
天閃爍無停暉男兒少壯不樹立挾此窮老將安歸
吟哦圖書謝慶弔坐室寂寞生伊威材疎命賤不自

揣欲與稷契遐相希旻天一朝畀以禍先子泯沒予
誰依精神不離肝肺絕背血被面無時晞母兄呱呱
泣相守三載厭食鍾山薇屬聞降詔起羣彥遂自下
國趨王畿刻章琢句獻天子鈞取薄祿歡庭闈身着
青衫手持版奔走卒歲官淮沂淮沂無山四封痺獨
有廟塔尤我魏時時憑高一悵望想見江南多翠微
歸心動蕩不可抑霍若猛吹翻旌旂騰言漕府私自
列仁者惻隱從其所暮春三月亂江水勁櫓健帆如
轉機還家上堂拜祖母奉乎出涕縱橫揮出門信馬
向何許城郭宛然相識稀永懷前事不自適却指曷
館接山扉當時髫兒戲我側于今冠佩何頎頎況復
丘樊滿秋色蜂蝶摧藏花草腓令人感嗟千萬緒不
忍倉卒回驂駢畱當開樽強自慰邀子劇飲母子違

新刻臨川王介甫先生詩集卷十四
五言八句
欣會亭
數家鄰水竹一塢共雲林晚食靜適已獨謠欣會心
移牀隨漫興操箴取幽尋未愛神錐汝猶憐玳斲琴

新刻臨川王介甫先生詩集卷十四

律詩 五言八句

欣會亭

數家鄰水竹一塢共雲林晚食靜適已獨謠欣會心
移牀隨漫興操箴取幽尋未愛神錐汝猶憐玳斲琴

東臯 卷七十一 三十一

起伏晴雲徑縱橫暖水陂草長流翠碧花遠沒黃鸝
楚製從人笑吳吟得自怡東臯興不淺遊走及芳時

歲晚 卷七十二 二十

月映林塘澹風含笑語涼俯窺憐淨綠小立佇幽香

攜幼尋新葑扶藁坐野航延緣久未已歲晚惜流光

半山春晚即事 卷七十五十六

春風取花去酬我以清陰翳翳陂路靜交交園屋深
牀敷每小息杖履或幽尋惟有北山鳥經過遺好音

欵眠 卷七十六二十一

翠幙卷東岡欵眠月半牀松聲悲永夜荷氣馥初涼
清話非無寄幽期故不忘扁舟亦在眼終自懶衣裳

露坐 卷七十六二十二

露坐看溝月飄然風度荷珠跳散作點金湧合成波
老失芳歲易靜知良夜多陵秋久不寐吾樂豈弦歌

山行

出寫清淺景歸穿蒼翠陰平頭均楚製長耳嗣吳吟
暮嶺已佳色寒泉仍好音誰同此真意倦鳥亦幽尋

題雱祠堂 在寶公塔院

斯文實有寄天豈偶生才一日鳳鳥去千秋梁木摧
煙留衰草恨風造暮林哀豈謂登臨處飄然獨往來

定林

漱甘涼病齒坐曠息煩襟因脫水邊屨就敷巖上衾
但留雲對宿仍值月相尋真樂非無寄悲蟲亦好音

送張甥赴青州幕 卷五十六十

人情每期費之子適予心老餞城東陌悲分歲暮襟
少畱班露草遂往隔雲林未覺青丘遠因風嗣好音

送張宣義之官越幕二首

卷五十六十二

會稽遊宦鄉海物錯句章土潤箭萌美水甘茶串香
今君誠暫屈他日恐難忘唯有西興渡靈胥或怒張

二

誰謂貴公子乃如寒士家真宜舉敦樸已自勝浮華
洲荻藏迷子溪篁擁若耶相望只在眼音問莫言賒

送贊善張軒民西歸

卷五十七十四

柴荆雀有羅公子數經過邂逅相知晚從容所得多
百憂生暮齒一笑隔滄波早晚西州路遙聽下坂珂

送鄧監簿南歸

卷五十七十五

不見驪塘路茫然四十春長為異鄉客每憶故時人
水閱公三世雲浮我一身濠梁送歸處握手但悲辛

秋夜二首

卷七十二十四

客卧書顛倒蟲鳴坐寂寥殘燈生暗暈重露集寒條
真樂閑尤見深禪靜更超此懷無與晤擁鼻一長謠

二

幔逗長風細窻畱半月斜浮煙暝綠草泫露冷黃花
獨曳綠雲策仍尋渡水槎歸時參夜半鄰犬靜中譁

卽事七 卷七十五

徑暖草如積山晴花更繁縱橫一川水高下數家村
靜憇雞鳴午荒尋犬吠昏歸來向人說疑是武陵源

晝寢 甲子四月十日午時作 卷七十六

井涇從蕪漫青藜亦倦扶百年唯有且萬事總無如
棄置蕉中鹿驅除屋上烏獨眠牕日午往往夢華胥

過故居 卷七十六

泝棧開新屋扶輿遶故園事遺心獨寄路翳目空存
野果寒林寂蠻花午簟溫難忘舊時處欲宿愧桑門

鴈 卷七十七

北去還為客南來豈是歸倦投空渚泊饑帖冷雲飛
垣柵雞長暖溝池鷺自肥憐渠不知此更墮野人機

與道原過西莊遂遊寶乘 元豐四年十月二十四日

桑楊一作麻已零落藻荇亦一作復消沈園宅在人境歲

時傷我心強穿西一作南埭路共望北山岑欲覓一作與

道人語跨鞍聊一尋

二

親朋會合少時序感傷多勝踐聊為樂清談可當歌
微風淡水竹淨日暖煙蘿興極猶難盡當如薄暮何

送陶氏婦兼寄純甫 卷七十八

雲結川原暗風連草木萎遙瞻季行役正對女傷悲
夢事中千變生涯老百羅羅更慚無道力臨路涕交頤

目府中歸寄西庵行詳師卷六十一

意衰難自力扶路便思還強逐蕭騷水遙看慘淡山
行尋香草遍歸漾晚雲間西崦分明見幽人不可攀

贈上元宰梁之儀承議梁多留許在江寧僧舍

白下有賢宰能歌如紫芝民欺自不忍縣治本無為
風月誰同賞江山我亦思粉牆侵醉墨韶悵綠苔滋

贈殊勝院簡道人

早悟耆山善今為洛社豪有生常寂寞所得是風騷
露夕吟逾苦雲收思共高此懷差自適千社一牛毛

懷吳顯道

南郭紅亭冷西山白道曛江光凌翠氣洲色亂黃雲
歲暮誰邀客情親故憶君天涯獨惆悵歸鳥黑紛紛

靜照堂

任公蹲會稽海上得招提淨觀堂新構幽尋客屢攜
飛簷出風雨灑翰落虹霓投老黃塵陌東看路恐迷

重遊草堂次韻三首

垣屋荒葛藟野殿冷檀沈鶴有思顯意鷹無戀遁心
禪房閉深竹齋鉢度遙岑寂寞黃鹿衣金身倚一尋

二

僧殘尚食少佛古但泥多寒守三衣法饑傳一鉢歌
寬閑每迸竹危朽漫牽蘿怙悵庭前栢西來意若何

三

野寺真蘭若山僧老病多疎鐘挾谷響悲梵入樵歌
水映茅簷竹雲埋蕙女蘿拂塵書所見因得擬陰何

題齊安寺山亭楊梅卷七十九

此山無躑躅故國有楊梅悵望心常折慙懃手自栽
暮年逢火改晴日對花開萬里烏塘路春風自往來

自白門歸望定林有寄

蹇驢愁石路余亦倦躋攀不見道人久忽然芳歲殘
朝隨雲暫出暮與鳥爭還杳杳青松壑知公在兩間

宿定林示無外行移

天女穿林至姁娥度隴來欲歸今晚晚相值且徘徊
誰謂我忘老如聞蟲造哀鄰衾亦不寐共盡白雲杯

宿北山示行詳上人

都城羈旅日獨許上人賢誰為孤峰下還來宴坐邊
是身猶夢幻何物可攀緣坐對青燈落松風咽夜泉

獨飯

窻明雨不借榻淨一邊條栩栩幽人夢天天老者居

安能問香積誰可告華胥獨飯牆陰轉看雲坐久如

草堂

草堂今寂寞往事翳山椒蕙帳空畱鶴蘿衣終換貂
生皆墮天袞隱或寄公朝疊穎何勞怒東風汝自搖

示耿天隲

挾策能傷性捐書可盡年弦歌無舊習香火有新緣
白土長岡路朱湖小洞天望公時顧我於此暢幽悃

光宅

卷四十八 十九

今知光宅寺牛首正當門臺殿金碧毀丘墟桑竹繁
蕭蕭新犢臥冉冉暮鴉歸回首千歲夢雨花何足言

示無外

支頰橫口語椎髻曲肱眠莫問誰賓主安知汝輩年
鄰雞生午寂幽草弄秋妍卻憶東窻篔簹藤故宛然

北山暮歸示道人

千山復萬山行路有無間花發蜂遞繞果垂猿對攀
獨尋寒水度欲趁夕陽還天黑月未上兒童初掩關

懷古二首

即事二首 卷七十五 十五

日密畏前境淵明欣故園那知飯不賜所喜菊猶存
亦有牀座好但無車馬喧誰爲吾侍者稚子候柴門

二

長者一牀室先生三徑園非無飯滿鉢亦有酒盈樽
不起攀邊坐常開柳際門漫知談實相欲辯已忘言

與寶覺宿精舍

擾擾復翩翩秋牀燭屢昏真爲說萬物豈止挾三言
問義曹溪室捐書闕里門若知同一妄目擊道逾存

中書偶成

卷七十五 三

忽忽余年往茫茫不自知慙慙照清淺邂逅見衰遲
輔世無賢業容身有聖時歸歟今可矣何以長人爲

華藏寺會故人

得泉字

百憂成阻澗一笑得畱連城郭西風裏園林落照
共知官似夢莫負酒如泉興罷重攜手江湖卽渺然
求全

求全傷德義欲速累功名玉要藏而待苗非握故生
未妨徐出畫何苦急墮成此道今亡矣嗟誰可與明

秋風

卷七十二 十六

拏斂一何饕天機亦自勞牆隈小翻動屋角盛呼號
漠漠驚沙密紛紛斷柳高江湖豈在眼昨夜夢波濤

次韻昌叔歲暮

城雲漏日晚樹凍裏春深櫺密魚雖暖巢危鶴更陰
橫風高曠弩殘溜細鳴琴歲換兒童喜還傷老大心

次韻酬昌叔羈旅之作

卷五十四十九

君方困旅食予亦誤朝簪自索東方米誰多季子金
高門萬馬散窮巷一燈深客主竟何事蕭條采父吟
莫莫登臨少密似金樽咄高工賦豈在鼎鼎非交遊
攀煥一回聲天對亦自愛蘇男小繡幃風角盪平巖

殊風

未敢斜出畫回苦急劇風出意今口矣製籍可與朋
來全謝謝羨為意累成多主更滿而待苗非對姑主

宋全

其埃古以莫莫負際泉與器重歡乎武哉
新刻臨川王介甫先生詩集卷十五

律詩 五言八句

次韻唐公三首

東陽道中

卷七十三十一

山蔽吳天密江蟠楚地深浮雲堆白玉落日寫黃金
渺渺隨行旅紛紛換歲陰強將詩詠物收拾濟時心

次韻張唐公

卷五十三十四

江行

材非當世用較有故人推使節春冬換征帆日夜開
南遊取于越東望得州來試盡風波惡生涯亦可哀

旅思

此身南北老愁見問征途地大蟠三楚天低入五湖
看雲心共遠步月影同孤慷慨秋風起悲歌不爲鱸

烏塘 卷七十一 十七

地僻居人少山稠伏獸多怒狸朝搏鴈嚙虎夜窺騾
籬落生孫竹門庭上女蘿未應悲寂寞六載一經過

欲歸 卷七十六 二十三

水漾青天暖沙吹白日陰塞垣春錯莫行路老侵尋
綠稍還幽草紅應動故林畱連一杯酒滿眼欲歸心

發館陶 卷七十五

促轡數殘更時聞雞一鳴春風馬上夢沙路月中行
笳鼓遠多思衣裘寒始輕稍知田父穩燈火閉柴荆

王村 卷七十一 二十三

掩靄王村路春風北使旗塵摧輕騎走寒咽短簫吹
攬轡聯貂帽投鞭各酒卮紛紛小兒女何事倚牆窺

長垣北 卷七十一 二十八

攬轡長垣北貂寒不自持霜風急鼓吹煙月暗旌旗
騎火流星點牆桑亞戟枝柴荆掩春夢誰見我行時

冬日 卷七十九

擾擾今非昔漫漫夜復晨風沙不貸客雲日欲迷人
散髮愁邊老開顏醉後春轉思江海上一洗白綸巾

壬辰寒食

卷七十二二十五

客思似楊柳春風千萬條更傾寒食淚欲漲冶城潮
巾髮雪爭出鏡顏朱早雕未知軒冕樂但欲老漁樵

雨中

卷七十二三十三

尚疑櫻欲吐已恠菊成漂紫萸凌風怯青苔挾雨驕
長閑故有味多難自無聊牢落柴荆晚生涯付一瓢

宿雨

卷七十二三十四

綠攪寒蕪出紅爭暖樹歸魚吹塘水動鴈拂塞垣飛
宿雨驚沙盡晴雲晝漏稀却愁春夢短燈火著征衣

乘日

卷七十二二十七

乘日塞垣入御風塘路歸胡皆躍馬去鴈却背人飛
煙水吾鄉似家書驛使稀忽忽照顏色恨不洗征衣

秋露

卷七十二二十八

日月凋何急荒庭露送秋初疑宿雨泫稍怪曉霜稠
曠野將馳獵華堂已御裘空令半夜鶴抱此一端愁

還自河北應客

卷七十六五十六

媿客問謠俗舊傳今自如材難知驥馬味美賽河魚
塞水移民久川防動衆初北人雖異論時議或非疎
將次洛州憇漳上

卷七十六

漠漠春風裏茸茸綠未齊平田鷓散啄深樹馬迎嘶

地入河流曲天隨日去低高城已在眼聊復解輕齋

和仲庶夜過新開湖憶冲之仲涂共泛卷五十二 十八

水遠浮秋色河空洗夜氛行隨一明月坐失兩孤雲

露髮此時濕風顏何處醺淹留各有趣不比漢三君

白樂天有二處成孤雲之句

送契丹使還次韻荅淨因老卷五十二 二十三

老欲求吾志時方撫我華強將愁出塞空得病還家

日轉山河暖風含草木葩勝遊思一往不敢問三車

送吳叔開南征卷五十二 二十二

摻袂不勝情犀舟擊汰行倦遊無萬里惜別有千名

春草淒淒綠江楓湛湛青金陵多麗景此去屬蘭城

遊棲霞庵約平甫至因寄

渺渺林間路蕭蕭物外僧高陰涼易入閑貌老難增

官事真傷錦君恩更飲冰求田此山下終欲忤陳登

和棲霞寂照庵僧雲渺平甫卷五十二 二十八

蕭然一世外所樂有誰同宴坐能忘老齋蔬不過中

無心為佛事有客問家風笑謂西來意雖空亦不空

宜春苑卷五十一 一

宜春舊臺沼日暮一登臨解帶行蒼蘚移鞍一作坐

綠陰樹疎啼鳥遠水靜落花深無復增修事君王惜

終卷五十二

終卷五十五

費金

春日

卷七十一

冉冉春行暮，菲菲物競華。鷺猶求舊友，鷺不背貧家。
室有賢人酒，門無長者車。醉眠聊自適，歸夢到天涯。

癸卯追感正月十五事

卷七十四

正月端門夜，金輿縹緲中。傳觴三鼓罷，縱觀萬人同。
警蹕聲如在，嬉遊事已空。但令千載後，追詠太平功。

晚興和沖卿學士

卷五十二

剌剌風生晚，娟娟月上初。白沙眠綠驥，清浪浴鱸魚。
竟欲從君飲，猶便讀我書。斜陽不到處，牆角樹扶疎。

秋興和沖卿

卷五十二

雲浮朝慘淡，風起夜颼颼。欲作冰霜地，先迴草樹秋。
征人倚笛怨，思婦向砧愁。爲問隨陽鴈，哀鳴豈有求。

次韻沖卿除日立春

卷五十四

猶殘一日臈，併見兩年春。物以終爲始，人從故得新。
迎陽朝翦綵，守歲夜傾銀。恩賜隨嘉節，無功祇自塵。
題友人郊居水軒

田中三畝宅，水上一軒開。爲有漁樵樂，非無仕進媒。
槎頭收晚釣，荷葉卷新醅。坐說魚腴美，功名挽不來。
遊賞心亭寄虔州女弟

王臨川文集卷十五
秀發千峰霽清涵萬里秋滄江天上落明月鏡中流
眼與魂俱斷身依影獨留爲憐幽興極不見爾來遊

江亭晚眺

日下崦嵫外秋生沆碭間清江無限好白鳥不勝閑
雨過雲收嶺天空月上灣歸鞍侵調角回首六朝山

金山寺

重經高處寺一與白雲親樹木有春意江山如故人
幽軒含氣象偏影落風塵日暮臨歸去徘徊欲損神

揖仙閣

結閣揖仙子疏塘臨隱扉木花紅四出山竹翠相圍
雲度疑輶下鳧驚恐鳥飛蜀韁寧可恃投釣此忘歸

舟夜卽事

卷七十五十九

火炬臨遙岬餘光照客船水明魚中餌沙暖鷺忘眠
感慨無窮事遲回欲曉天山泉如有意枕上送潺湲

何處難忘酒二首

擬白樂天作 卷七十六五十四

何處難忘酒英雄失志秋廟堂生莽卓巖谷死伊周
賦斂中原因干戈四海愁此時無一盞難遣壯圖休

二

何處難忘酒君臣會合時深堂拱堯舜密席坐臯夔
和氣襲萬物歡聲連四夷此時無一盞真負鹿鳴詩

送孫子高

卷五十八二十五

蕩漾江南客，融怡席上珍。一罇相別酒，千里獨歸人。
客路貧堪病，交情遠更親。自慙兒女意，夫淚滴衣巾。

送董傳

卷五十八二十六

悠悠隴頭水，日夜向西流。行路未云已，歸人空復愁。
文章合用世，顏髮未驚秋。一聽秦聲罷，還來上國遊。

寄深州鼂同年

卷五十九二十八

秀色歸荒隴，新聲換毳毛。日催花蘂急，雲避鴈行高。
駐馬旌旗暖，傳觴鼓吹豪。班春不知負，短髮爲君凋。

白雲然師

白首一山中，形骸槁木同。苔爭庵徑路，雲補衲穿空。
塵土隨車轍，波濤信施工。昏昏老南北，應謝此高風。
自白上村入北寺二首

木杪田家出，城陰野迳分。溜渠行碧玉，畦稼臥黃雲。
薄槿胭脂染，深荷水麝焚。夕陽人不見，雞鶩自成羣。

二

雨過百泉出，秋聲連衆山。獨尋飛鳥外，時渡亂流間。
坐石偶成歇，看雲相與還。會須營一畝，長此聽潺湲。
題朱郎中白都莊

蕭灑桐廬守，滄洲寄一廛。山光隔釣斝，江氣襍炊煙。

藜杖聽鳴鶻籃輿看種田明時須共理此興在他年
史教授獨善堂

湖海十年舊林塘三畝餘靜非談者隱貧勝富人居
列鼎亦何有幅巾聊自如猶應不獨善學子滿階除

寄福公道人

帝力護禪林滄洲側布金樓依水月觀門接海潮音
開士但軟語遊人多苦吟曾同方丈宿燈火夜沉沉
身閑

身閑宜晚食歲晏忌晨興人自嘲便腹吾方樂曲肱
睡蛇雖不去夢虺已無憑寄語中林客思禪病未

還家

還家豈不樂生事未應閑朝日已復出征鞍方更攀
傷心百道水閔目萬重山何以忘羈旅條然醉夢間
題湯泉壁示諸子有欲閑之意

吟哦一水上披寫衆峰間偶運非彭澤留名比峴山
君才今尚稷家行古原顏平世雖多士安能易地閑
和唐公舍人訪淨因

西城方外士傳法自南華高蹈玩一世匆通兼數家
來遊仁者淨傳詠正而葩乘輿何時載還能託後車
沂溪懷正之

故人何處所天角浪漫漫寂寞斷音驛徘徊愁肺肝
世情紛可怪旅况浩難安願化東南鵠高飛託羽翰

答許秀才

高陽有才子負笈求晨飧所趣少知者其辭多慨然
樵妻竟謝絕漂母嘗哀憐尚友古之人于今猶壯年

韻賦泉壑三諾子亦為閑之意

以百草木園日海重山可以忘羅水翁然雜夢間
豈不樂主事未熟用時日已及日五蟬八更琴

蠹案

新刻臨川王介甫先生詩集卷十六

律詩 五言八句 五言長篇附

次韻景仁雪霽

新聲生屋雷殘點着垣衣委翳無多在飄零不更飛
坳中餘宿潤暖處自朝暉稍見青青色還從柳上歸

次韻范景仁二月五日夜風雲

何知此邂逅談笑接清揚對雪知春淺回燈惜夜長
密雲通炫晃殘月墮冥茫故有臨邛客抽毫興未忘

次韻冲卿過睢陽 卷五十四 三十一

宮廟此神鄉留親泊楚艘天開今壯麗地積古悲涼

王臨川文集卷十六
不改山河舊猶餘草木荒還聞足賓客誰是漢鄒陽

荅冲卿 卷五十五十七

風作九衢黃南窗坐正涼破瓜青玉美浮萍白雲香
詩懶猶能強官閑肯便忘賢愚各有用尺寸果誰長
得書知二弟附陳師道舟上汴 卷七十三十五

兒童聞太丘邂逅兩心投與汝今爲伴知吾不復憂
園桃已解萼沙水欲驚舟一見南飛鴈江邊肯更留

初憇和州 卷七十七

永足一囊弊粟餘三釜陳猶依食貧地已媿省煩人
塵土病催老風波愁過春詩書今在眼還欲討經綸
瘡起舍弟尚未已示道原 卷七十七

側足呻吟地連薨瘡瘡秋窮鄉鑿自絀小市藥難求
肝膽疑俱破筋骸漫獨瘳慚君遠從我契濶每同憂

送杜十八之廣南 卷五十七六

東南炎海外尋訪又輸君過嶺猿啼暖貪程馬送曛
清談消瘴癘秀句起煙雲及早來鄉薦朝廷尚右文
崑山慧聚寺次張祐韻 卷五十三十七

峯嶺互出沒江湖相吐吞園林浮海角臺殿擁山根
百里見漁艇萬家藏水村地偏來客少幽興祗桑門

吳江 卷七十一十五

莽莽昔登臨秋風一散襟地留孤嶼小天入五湖深
相橘無千里魚鰕有萬金吾雖輕范蠡終欲此幽尋

江卷七十一四十四

靈源開闢有羸縮但相隨逆折山能礙奔流海與期
泥沙拆蚌蛤雲雨暗蛟螭欲問深何許馮夷祗自知

江南卷七十一四十一

江南春起拖秋至尚波濤問舍才能定呼舟已復操
行歌付浩蕩歸夢得蕭騷冉冉欲何補紛紛為此勞

賈生卷七十三十六

漢有洛陽子少年明是非所論多感槩自信肯依違

死者若可作今人誰與歸應須蹈東海不但涕沾衣

還自舅家書所感卷七十四十一

行行過舅居歸路指親廬日苦樹無賴天空雲自如
黃焦下澤稻綠碎短樊蔬沮溺非吾意憫嗟聊駐車

世題事二首卷七十五二十一

世事一何稠論心日已偷尚蒙今士笑宜見古人羞
老圃聊須問良田亦欲求非關畏黻冕無責易身修

寄純甫卷六十五

塞上無花草飄風急我歸稍林聽澗落卷土看雲飛
想子當紅藥思家上翠微江寒亦未已好好著春衣

絕下一首為七

招丁元珍

默默不自得紛紛何所爲
畫墁聊取食獵較且隨時
秋入江湖暗風生草樹悲
黃花一杯酒思與故人持
遊杭州聖果寺

登高見山水身在水中央
下視樓臺處空多樹木蒼
浮雲連海氣落日動湖光
偶坐吹橫笛殘聲入富陽
京兆杜嬰大醇能讀書其言近莊其爲人曠達而廉清自託於醫無貴賤請之輒往卒也以詩二首傷之

蕭瑟野衣中能忘至老貧
避囂依市井蒙垢出埃塵
接物工齊物勞身恥爲身傷
心宿昔地不復見斯人
二

叔度醫家子君平卜肆翁
蕭條昨日事髣髴古人風
舊宅雨生菌新阡寒轉蓬
存亡誰一問嗟我亦窮空
江上四

卷七十一四十二

潮連風浩蕩沙引客淹留
落日更清坐空江無近舟
共看蒹葭宅聊卽稻梁謀
未敢嗟艱食凶年半九州
五

同上

書自江邊使鄉鄰病餓稠
何言萬里客更作百身憂
補敗今誰卹趨生我自羞
西南雙病眼落日倚扁舟

三陽川文集 卷十六
夏夜舟中頗京因有所感

卷七十四十五

扁身畏朝熱望夜倚桅檣日共火雲退風兼水氣涼
未秋輕病骨微曙浣愁腸堅我江湖意滔滔興不忘

孤桐

天質自森森孤高幾百尋陵霄不屈已得地本虚心
歲老根彌壯陽驕葉更陰明時思解慍願斲五絃琴

遲明

欹枕浩無情遠遠獨遲明霜繁紅樹老雲月素蟾清
倦鵲猶三市寒雞未一鳴故山何處所應有曉猿驚
陪友人中秋夕賞月

海霧看如洗秋陽望却昏光明疑不夜清瑩欲無坤
掃掠風前坐留連露下尊苦吟應到曉況有我思存
慎縣修路者

畚築今三歲康莊始一修何言野人意能助令君憂
戮力非無補論心豈有求十年空志食因汝起予羞
河勢

河勢浩難測禹功傳所聞今觀一川破復以二渠分
國論終將塞民嗟亦已勤無災等難必從衆在吾君
送河間鼂寺丞

公孫富文墨名字世多知談笑取高第弦歌當此時

臨河薪石費近塞繭絲移緩急常愁此看君有所爲

暮春

春期行晚晚春意賸芳菲曲水應修禊披香未試衣
雨花紅半墮烟樹碧相依悵望夢中地王孫底不歸

遊北山

攬轡出東城登臨目暫明煙雲藏古意猿鶴弄秋聲
客坐苔紋滑僧眠樾蔭清賞心殊未已山下日西榮

吳正仲謫官得故人寄蟹以詩謝之余次其韻

越客上荆舠秋風憶把螯故煩分巨跪持用佐清糟
飲量寬滄海詩鋒捷孟勞甘飡飽觴詠餘事付鉤陶

陳師道宰烏程縣

嘗聞太丘長德不負公卿墟墓今千載昆雲亦一城
本懷深閉蓄餘論略施行故自有仁政能傳家世聲

冬至

都城開博路佳節一陽生喜見兒童色歡傳市井聲
幽閑亦聚集珍麗各携擎却憶外年事關商閉不行

湯泉

寒泉詩所詠獨此沸如烝一氣無冬夏諸陽自廢興
人游不附火蟲出亦疑冰更憶驪山下歛然雲滿塍

讀鎮南邸報癸未四月作

賜詔寬言路登賢壯陛廉相期正在治素定不煩占
衆喜夔龍盛予虞絳灌儉太平詎可致天意慎猜嫌
擬和 御製賞花釣魚

雲暖蓬萊日風酣太液春水光承步輦花氣入鈞陳
伏檻留清蹕傳觴屬從臣霏香連釣餌落葉亂游鱗
鎬飲恩知厚衢樽賜願均更看追夏諺先知詠逢辰

和吳沖卿雪霽紫宸朝

卷五十二

虎士開閭闔雞人唱九霄雲移銀闕角日轉玉廊腰
箒動川收潦靴鳴海上潮舞袍沾宿潤拜笏擁殘飄
賜飲人何樂歸嘶馬亦驕低徊但忘食吟咏得逍遙

和吳沖卿集禧齋祠

卷五十二

緘封祝辭密占寫御名真帝坐遙臨物星圖俯映人
風含煙外節月點霧中茵沈藿升煙遠槐檀取燎新
羽衣歸寂寞金鏐立逡巡却想來時路還疑隔一塵

送周都官通判湖州

卷五十六

淥水烏程地青山顧渚濱酒醪猶美好茶薺正芳新
聚泛樽前月分班焙上春仁風已入俗樂事始關身
榻袖供南貢楓槐望北宸知君白羽扇歸日未生塵

雙廟

張巡許遠

卷七十四

兩公天下駿無地與騰驤就死得處所至今猶耿光

中原擅兵革昔日幾侯王此獨身如在誰令國不亡
北風吹樹急西日照窗涼志士千年淚泠然落奠觴

和子瞻同王勝之游蔣山

并序

子瞻同王勝之游蔣山有詩余愛其峰多巧障日江
遠欲浮天之句因次其韻

金陵限南北形勢豈其然楚役六千里陳亡三百年
江山空幕府風月自舳船主迷悲涼岸妃理想故蓮
臺傾鳳久去城踞虎爭徧司馬孺廟域獨龍層塔顛
森踈五願木蹇淺一人泉柎杖窮諸嶺藍輿罷半天
朱門園渌水碧瓦第青煙墨客真能賦留詩野竹娟

送鄆州知府宋諫議

卷五十三

盛世千齡合宗工四海瞻天心初籲俊雲翼首離潛
德望完圭角儀形狀陞廉徐鳴蒼玉佩盡校碧牙籤
綸掖清光注鑾坡茂渥霑文明誠得主政瘼尚煩砭
右府參機務東塗贊景炎廟謨資石畫兵略倚珠鈴
坐鎮均勞逸齋居養智恬謳謠喧井邑惠化穆蒼黔
進律朝章舊疏恩物議僉通班三殿邃徙部十城兼
申甫周之翰龜蒙魯所詹地靈奎宿照野沃汶河漸
首路龍旗盛提封虎節嚴賜衣纏紫艾衛甲綴朱綬
海谷移文省谿堂燕豆添班春回紺幘問俗卷彤襜

舟楫商巖命熊羆渭水占治裝行入覲金鼎重調鹽
見遠亭上王郎中

高亭豁可望朝暮對谿山野色軒楹外霞光几席間
樹侵蒼靄沒鳥背夕陽還草帶平沙闊煙籠別戍閑
圃畦荷氣合田徑燒痕斑樵笛吟晴塢漁帆出暝灣
登臨及芳節宴喜發朱顏夾砌陳旌旒褰簾進佩環
觀風南國最應宿紫宸斑康樂詩名舊蕪音詎可攀

新刻臨川王介甫先生詩集卷十七

律詩七言八句

歲晚懷古

卷七十四三

先生歲晚事田園魯叟遺書廢討論問訊桑麻憐已
長按行松菊喜猶存農人調笑急尋壑稚子歡呼出
候門遙謝載醪祛惑者吾今欲辯已忘言

段約之園亭

愛公池館得忘機初日畱連至落暉菱暖紫鱗跳復
沒柳陰黃鳥轉還飛徑無凡草唯生竹盤有嘉蔬不
采薇勝事閩州雖或有終非吾土豈如歸

又段氏園亭

欵眠隨水轉東垣一點炊煙映水昏漫漫芙蓉難覓
路條條楊柳獨知門青山呈露新如染白鳥嬉游靜
不煩朱雀航邊今有此可能搖蕩武陵源

回棹 卷七十三

柴荆散策靜涼颺隱几扁舟白下潮紫磨月輪升靄
靄帝青雲幕卷寥寥數家雞犬如相識一塢山林特
見招尚憶木瓜園最好興殘中路且回棹

酴醾金沙二花合發 卷七十七

相扶照水弄春柔發似矜夸斂似羞碧合晚雲霞上
起紅爭朝日雪邊流我無丹白知如夢人有朱鈿見
即愁疑此冶容詩所忌故將穆木比綢繆

次韻公闢正議書公戲語申之以祝助發一笑

故人辭祿未忘情語我猶能作扞城身不自遭如貢
薛兒應堪教比韋平老羆豈得長高臥雛鳳仍聞已
間生把盞祝公公莫拒緇衣心為好賢傾

次韻致遠木人洲二首 卷五十三

迷子山前漲一洲木人圖志失編收年多但有柳生
肘地僻獨無茅蓋頭河側鮑生乾尚立江邊屈子槁
將投未妨他日稱居士能使君疑福可求

二

杌爾何年客此洲
飄流誰棄止誰收
無心使口肝使
目有幹作身根
作頭暴露神靈難
寄託禱祠村落幾
依投紛紛翦紙真
虛負立槁安知富
可求

次韻酬龔深甫二首 卷五十四 十六

恩容楚老護松楸
復得一龔從我遊
講肆劇談兼祖
謝舞雩高蹈異
求由北尋五柞故
乘愁東挽三楊仍
有穆陟巘降原從
此始但無瑤玉與
香舟 此詩舊集作兩絕句今併為一首

二

握手東岡雪滿簷
後期惆悵老吳蠶
芳辰一笑真
值暮齒相思豈久
堪他日杜詩傳渭
北幾時周宅對
漳南百年邂逅能
多少且可勸來共
草菴

次葉致遠韻 卷五十四 十七

生涯聊占水中洲
豈即乘桴逐聖丘
身與鳧飛仍鴈
集心能茅靡亦波
流由來杞梓而先
伐誰謂菰蒲可
久畱乘興吾廬知
未厭故移脩作擬
延騶 一作知君

洲去即東浮逐聖丘憂國無時須問舍得底有興即乘流由來要路當先據誰謂窮鄉可久畱他日五湖尋范蠡想能重此駐前騶

宋本与山注同

次韻酬朱昌叔五首 卷五十四 十八

點也自殊由與求
既成春服更何憂
拙於人合且天

合靜與道謀非食謀未愛京師得谷口但知鄉里勝
壺頭嗟予老矣無一事復得此石相與遊

二

去年音問隔淮州注百謫難知亦我憂前日杯盤共江
渚一歡相屬豈人謀山蟠直瀆輸淮口水抱長干轉
石頭乘輿舟輿無不可春風從此與公遊

三

烏榜登臨興未休共言何許更消憂聯裾蕭寺尋真
覺方駕孫陵弔仲謀語罷每開笑口詩來仍掉苦
吟頭已知軒冕真吾累且可追隨馬少游

四

白下門東春水流相看一噓收千憂穿梅入柳曾莫
逆度漸緣岡初不謀世事但知吹劔首官身難卽問
刀頭長臨鍛竈真自苦有興公以來從我遊

五

樂世閑身豈易求巖居川觀更何憂放懷自事如初
服買宅相招亦本謀名譽子真矜谷口事功新息困
壺頭知君於此皆無累長得追隨曠垠遊

次韻送程給事知越州

千騎東方占上頭如何誤到北山遊清明若覩蘭亭

月暖熱因忘蕙帳秋投老始知歡可惜通宵豫以別
為憂西歸定有詩千首想肯重來賁一丘

次韻酬徐仲元 卷五十四二十三

投老逍遙屺與堂天刑真已脫桁楊緣源靜翳無魚
淦度谷深追有鳥頰每苦交游尋五柳最嫌尸祝擾
庚桑相看厭唯夫子風味真如顧建康

詩奉送覺之奉使東川 卷五十六

三秋不見每惓惓握手山林復依然後會敢期黃耆
日相看且度白雞年畏途石棧工遵馭榮路金門面
逃鞭一代官儀新藻拂得瞻宸想雷連

次韻奉酬覺之 卷五十四四十一

久知乘傳入西州雞黍從容本不謀戶外驚塵天書
至眼中飛浪片帆收山林病骨煩三顧湖海離腸欲
萬周尚有光華賁岑寂篋中佳句得長留

送程公闢得謝歸姑蘇 卷五十七十

東歸行路嘆賢哉碧落新除寵上才白傅林塘傳畫
去吳王花鳥入詩來唱酬自有微之在談笑應容逸
少陪 少保元絳謝事居姑蘇又王 除此兩翁相見外
中甫善歌詞與相唱酬燕集

不知三徑為誰開

送項判官 卷五十八九

王臨川文集卷十七
斷蘆洲渚落楓橋渡口沙長過午湖山鳥自呼泥滑
滑行人相對馬蕭蕭十年長自青衿識千里來非白
璧招握手祝君能強飯華簪常得從雞翹

次韻張德甫奉議

卷五十四 二十六

知君非我載醪人終日相隨免汗茵賞盡高山見流
水唱殘白雪值陽春中分香積如來鉢對現毗耶長
者身誰拂定林幽處壁與君圖寫繼吾真

北山三詠

寶公塔

道林真骨葬青霄窳堵千秋未寂寥寶勢匆連大江
起尊形獨受衆山朝雲泉別寺分三徑香火幽人
一瓢我亦鷺峰同聽法歲時歌嘒豈辭遙

覺海方丈

往來城府住山林諸法脩然但一音不與物違真道
廣每隨緣起自禪深舌根已淨誰能壞足迹如空我
得尋歲晚北窻聊寄傲蒲萄零落半牀陰

道光泉

卷七十一 七

釋
擇龍將雨繞山行注遠投深靜有聲雲涌浴槽朝自
暖虹垂簾鏡午還晴銅瓶各滿幽人意玉甃因高正
士名神力可嗟妨智巧桔槔零落復苔生

登寶公塔

倦童疲馬放松門自把長筇倚石根江月轉空爲白
畫嶺雲分暝與黃昏鼠搖岑寂聲隨起鷓矯荒寒影
對翻當此不知誰客主道人忘我我忘言

重登寶公塔復用前韻二首

空見方墳涌半霄難將生死問參寥應身東返知何
國瑞像西歸自本朝遺寺有門非輦路故池無鉢但
僧瓢獨龍下視皆陳迹追數齊梁亦未遙

二

碧玉旋螺恍隔霄冠山仙冢亦寥寥空餘華構延風
月無復靈蹤落市朝帳座追嚴多獻寶供盤隨施有
操瓢他方出沒還如此與物何心作邈遙

紙暖閣

聯屏蓋障一尋方南設鈎簾北置牀側座對敷紅絮
暖仰牕分啓碧紗涼氈廬易以梅丞壞錦幄終於草
野妨楚穀越藤真自稱每糊因得減書囊

雨花臺

盤互長干有絕陁并包佳麗入江亭新霜浦淑綿綿
淨薄晚林巒往往青南上欲窮牛渚怪北尋難忘草
堂靈便輿却走垂楊陌已戴寒雲一兩星

北牕

卷七十一四十五

病與衰期每強扶雞壅桔梗亦時須空花根蒂難尋
摘夢境煙塵費掃除者域藥囊真安有軒轅經匱或
元無北窻枕上春風暖漫讀毗耶數卷書

小姑

卷七十六四十七

小姑未嫁與蘭支何恨流傳樂府詩初學水仙騎赤
鯉竟尋山鬼從文狸繽紛雲襪空棠檝綽約煙鬟獨
桂旗弄玉有祠終或往飛瓊無夢故難知

榮上人遽欲歸以詩留之

卷五十八十七

道人傳業自天台千里備然赴感來梵行毗沙爲外
護法筵靈曜得重開已能爲我透神足便可隨方長
聖胎肯顧北山如慧約與公西崦斲莓苔

呈陳和叔

并序

卷五十八二十三

嘉祐末和叔以集賢校理判登聞鼓院同知太常禮
院皮場街有園數畝中置二椽輓衰丈北戶臨溝略
徇通街旁作小屋毀輜車爲蓋某以直集賢院爲三
司度支判官以知制誥糾察在京刑獄同管勾三班
院間度徇飯車蓋下隨所有無坐臥輓上笑語常至
夜如此三歲而和叔遭太夫人憂未幾某亦喪親以
去時永昭陵尚未復土也復與和叔皆蒙

今上拔用數會議語皆憂傷之餘責厚事叢無復故
情元豐元年某食觀使祿居鍾山南和叔經略廣東
道舊悵然某作詩以叙其事

毀車爲屋僅容身三歲相要薄主人晝寓棹輒常至
夜冬泐溝徇復尋春南陔不泊公歸里蒼墓垂成我
喪親後會縱多無此樂山林投老一傷神

招呂望之使君

潮溝東路兩牛鳴十畝漪漣一草亭委質山林如許
國寄懷魚鳥欲忘形紛紛易變浮雲白落落誰鍾老
栢青尚有使君同好惡想隨秋水肯揚舲

公闢枉道見過獲聞新詩因叙歎仰

青丘神父能爲政碧落僊翁好作詩舊事齊兒應共
記新篇楚老得先知懷輓大峴如迎日供帳閭門勝
去時若與鴟夷鬪百草錦囊佳麗敵西施

全椒張公在詩在北山西庵僧者墁之悵然有
感

十年悵悵躡山阡終欲持杯滴到泉東路角巾非故
約西州華屋漫脩椽幽明永隔休炊黍真俗相妨久
絕弦遺墨每看疑邂逅復隨人事散如煙

嶺雲

嶺雲合處小盤桓人得敷衾馬解鞍寒莢著天榆歷
歷淨華浮海桂團團交游渙散淵明喜吏卒蕭條叔
夜寬方丈老翁無一髮更知來不爲皮冠

蓼蟲

蓼蟲事業無餘習芻狗文章不更陳隱几自憐居喪
我倨堂誰覺似非人難堪藏室稱中士祇合箕山作
外臣尚有少緣灰未死欲持新句惱比隣

莫疑

莫疑禪伯未知禪莫笑仙翁不學仙靈骨肯傳黃蘗
燼真心自放赤松煙蓮華世界何關汝楮葉工夫派

寶年露鶴聲中江月白一燈岑寂擁書眠

寶字齋齋中玉且白一嶽岑寐蘇書知

新刻臨川王介甫先生詩集卷十八

律詩

七言八句

示俞秀老

繚繞山如涌翠波人家一半在煙蘿時豐笑語春聲
早地僻追尋野興多宰堵朱甍開北向招提素脊隱
西阿暮年要與君攜手處處相煩作好歌

外廚遺火示公佐

刀匕初無欲清

士姓切

人如何

竈鬼尚嫌噀脩脩短褐

方煬

一作

火冉冉青煙已被宸邂逅焚巢連鳥雀倉

黃濡幕愧比鄰王陽幸有囊衣在報賞焦頭亦未貧

王臨川文集卷十八
讀眉山集次韻雪詩五首

若木昏昏未有鷓凍雷深閉阿香車搏雲忽散篴爲
屑翦水如分綴作花擁箒尚憐南北巷持杯能喜兩
三家戲接弄掬輸兒女羔袖龍鍾手獨義

二

神女青腰寶髻鷓獨藏雲氣委飛車夜光往往多聯
璧白小紛紛每散花珠網纏連拘翼座瑤池水冰漫阿
環家銀爲宮闕尋常見豈卽諸天守夜義

三

惠施文字黑如鷓於此機緘漫五車嚼芒易緇終不
染紛紛能幻本無花觀空白足寧知處疑有青腰豈
作家慧可忍寒真覺晚爲誰將手少林義

四

寄聲三足阿環鷓問訊青腰小駐車一一照肌寧有
種紛紛迷眼爲誰花爭妍恐落江妃手耐冷疑連月
姊家長恨玉顏春不久畫圖時展爲君義

五

戲搖微縞女鬟鷓試咀流酥已頰車歷亂稍埋冰揉
粟消沉時點水圓花豈能解艫真尋我且與蝸牛獨
臥家欲掩青腰還不敢直須詩膽付劉義

讀眉山集愛其雪詩能用韻復次韻一首

靚妝嚴飾曜金鷄比興難工漫百車水種所傳清有
骨天機能識傲非花嬋娟一色明千里綽約無心熟
萬家長此賞懷甘獨臥袁安交戟豈須義

八功德水

雪山馬口出琉璃聞說諸天與護持此水遙連八功
德供人真淨四威儀當時迦葉無塵染何事闍鄉有
土思道力起緣非一路但知瓢飲是生疑

寄題程公闢物華樓

吳楚東南最上游江山多在物華樓遙瞻旌節
俎獨臥柴荆阻獻酬想有新詩傳素壁怪無餘墨到
滄洲渴渥南望重重綠章水還能向此流

酬俞秀老

灑掃東庵置一牀於君獨覺故情長有言未必輸摩
詰無法何曾泥飲光天壤此身知共弊江湖他日要
相忘猶貪半偈歸思索却恐提栢妄揣量

次韻吳冲卿召赴資政殿聽讀詩義感事

冲卿詩云

雪銷鳩鵲御溝融燕見殊恩綴上公晝日乍驚
三接寵正風獲聽二南終解頤其仰天顏喜墻
面裁容聖域通午漏漸長知禹錫侍臣何術補
堯聰時修棋經義所初進二南有旨資政殿讀

云吳冲卿卷七十四八

此和章
乃不載

周南麟趾聖人風未有騶虞繫召公雅頌兼陳為四
始笙歌合奏以三終討論詔使成書上休瀚恩容著
藉通牆面豈能知奧義延陵聽賞自為聰

張侍郎示東府新居詩因而和酬二首

卷五十五
十六

得賢方慕北山萊赤日中天二府開功謝蕭規慙漢
第恩從隗始詫燕臺曾畱上主經過跡更費高人
賦詠才自古落成須善頌掃除東閣望公來

二

榮觀流傳動草萊中官賜設上尊開鼓歌窅窳聽疑
夢肴果聯翩餽有臺斧藻故應宜舊德棟梁非復稱
凡材虛堂欲踵曹參事試問齊人或肯來

次韻沖卿上元從駕至集禧觀偶成

昭陵持橐從遊人更見熙寧第四春寶構中開移玉
座華燈錯出映朱塵輦前時看新歌舞仗外還從舊
徼巡投老逢時追往事却含愁思度天津

次韻陪駕觀燈

繡簾含風下玉除官商挾奏斐然殊福祥周室流為
火恩澤堯樽散在衢伏枕但能知廣樂揮毫何以報
明珠願畱巾篋歸田日追詠公歡每自娛

和吳相公東府偶成

承華往歲幸躊躇風月清談接緒餘竝轡趨朝今已
老連牆得屋喜如初誅茅我夢江臯地澆蕪公思洛
水渠歛退故應容拙者先營環堵祭牢蔬

和蔡樞密孟夏日西府書事 卷五十二五

宮闕初晴氣象饒寶車攢轂會東朝重輪慶自離明
發內壤陰隨解澤銷賜篚外廷紛錦繡燕庖中禁續
薪樵聯翩入賀知君意咫尺威顏不隔霄

和蔡副樞賀平戎慶捷 卷五十二六

城郭名王據兩陲軍前一日送降旗羌兵自此無傳
箭漢甲如今不解纍幕兩上功聯舊代朝廷稱慶具

新儀周家道泰西戎噉還見詩人詠申夷

次韻奉和蔡樞密南京種山藥法 蔡詩并序云

種山藥法并以生頭數十莖送上輒成小詩青
青正是中分天區種何地試玉延即見引須綠
夏木定知如黢薦冬筵谿傳囉姆以踰潤還御
水冰霜結蔭近堯雲雨露偏自裹自題還自媿
握苗應笑 卷五十二七
宋人然

區種拋來六七年春風條蔓想宛延難追老圃莓苔

徑空對珍盤玳瑁筵嘉種忽傳何右壤靈苗更長闕

西偏故畦穿斲知何日南望鍾山一慨然

次韻元厚之平戎慶捷 來詩有何人更得通天
帶謀合君心只晉公之

句卷五十三二

朝廷今日四夷功先以招懷後殪戎胡地馬牛歸隴
底漢人煙火起湟中投戈更講諸儒藝免胄爭趨上
將風文武佐時慚吉甫宣王征伐自膚公

謁曾魯公即赴會時

翊戴三朝冕有蟬歸榮今作地行仙且開京闕一作洛

蕭何第未放江湖范蠡船老景已鄰周昌尚慶門方

似漢韋賢一觴豈足為公壽願賦長虹吸百川

駕自啓聖還內

衣冠原廟漢家儀羽衛親來此一時天子當復

露感都人亦歎鼓簫悲紛紛瑞氣隨雲漢漠漠

上日旗塵土未驚聞聞綉枕空覆影參差

集禧觀池上詠野鵝卷七十七四十五

池上野鵝無數好晴天鏡裏雪毳毼似憐暄暖鳴相

逐疑戀寬閑去却回京洛塵沙工點污江湖矰弋飽

驚猜羽毛的的人難近嗟此謀身或有才

次韻東廳韓侍郎齋居晚興卷五十二十九

齋禁雖嚴異太常蕭然高臥意何長煙含欲暝宮庭

紫日映新秋省闈黃壯節易摧行踽踽華年相背去

堂堂追繫坐歎風塵隔空聽鈞天夢帝鄉

酬和甫祥源觀醮罷見寄卷五十九二十一

三歸川文集卷十八
竊祿祠官久見容每持金石薦宸衷鈞天忽忽清都
夢方丈寥寥弱水風知結勝緣人意外想尋陳迹馬
蹄中新詩起我超然興更感鍾山蕙帳空

和御製賞花釣魚

卷五十二

陰幄晴雲拂曉開傳呼仙仗九天來披香殿上留朱
輦太液池邊送玉杯宿藥暖含風浩蕩戲鱗清映日
徘徊宸章獨與春爭麗恩許賡歌豈易陪

二

霽靄祥雲輦路晴傳呼萬歲禱春聲蔽虧玉仗宮花
密映燭金溝御水清珠藥受風天下暖錦鱗吹

邊明從容樂飲真榮遇願賦嘉魚頌太平

次揚樂道韻六首

後殿朝次偶題

卷七十五二

後殿詞進士詳定幕次
次韻和揚樂道舍人

百年文物士優游萬國今方似綴旒發策更堂招儁
又回輿北苑罷倡優忽隨諸彥登龍尾尚憶當年應
鵠頭獨望清光無補報更慙虛食太官羞

御溝

卷七十一

渺渺金河漲欲平數支分綠報清明常榮輦路漂花
去更引流杯送酒行靜見金輿穿樹影清含玉漏過
牆聲衰顏一照自多感迴首江南春水生

幕次憶漢上舊居

漢水泱泱繞鳳林，峴山南路白雲深。如何憂國忘家日，尚有求田問舍心。直以文章供潤色，未應風月負登臨。超然便欲遺榮去，却恐元龍會見侵。

後苑詳定書懷

卷七十四

文墨由來妙禁中，家傳豈獨賦河東。平生聽想風聲早，數日追隨笑語同。御水新如鴨頭綠，宮花更有鶴翎紅。看花弄水聊爲樂，不晚朝廷相弱翁。

上巳聞苑中樂聲書事

卷七十二 二十四

苑中誰得從春遊，想見漸臺瓦欲流。御水曲隨花轉宮，雲低繞樂聲畱。年華未破清明節，日暮初回被袂舟。更覺至尊思慮遠，不應全爲拙倡優。

用樂道舍人韻書十日事呈樂道舍人聖從待制

東門人物亂如麻，想見新鞦照路華。午鼓已傳三刻漏，從官初賜一杯茶。忽忽殿下催分首，擾擾宮前聽賣花。歸去莫言天上事，但知呼客飲流霞。

詳定幕次呈聖從樂道

殿閣掄材覆等差，從臣今日擅文華。楊雄識字無人敵，何遜能詩有世家。舊德醉心如美酒，新篇清目勝

真茶一觴一詠相從樂傳說猶堪異日誇

崇政殿詳定幕次偶題

卷七十一

嬌雲漠漠護層軒嫩水濺濺不見源禁柳萬條金細
撚宮花一段錦新翻身閑始更知春樂地廣還同避
世喧不恨玉盤冰未賜清談終日自蠲煩

詳定試卷二首

卷七十四

簾垂咫尺斷經過把卷空聞笑語多論衆勢難專可
否法嚴人更謹誰何文章直使補無類勲業安能保
不磨疑有高鴻在寥廓未應迴首顧張羅

詳定試卷

卷七十六

童子常誇作賦工暮年羞悔有楊雄當時賜帛倡優
等今日論才將相中細甚客卿因筆墨早於爾雅注
魚蟲漢家故事真當改新詠知君勝弱翁

奉酬楊樂道

卷五十五

邂逅聯裾殿閣春却愁容易卽離羣相知不必因相
識所得如今過所聞近代聲名出盧駱前朝筆墨數
湖雲與公家世由來事愧我初無百一分

奉酬聖從待制

卷五十三

班行想望歲空多知有龍門未敢過和近聖人師展
季勇爲君子盜荆軻三刀舊協庭闈夢五袴今傳里

三陽川文集卷十八
九
巷歌復道諫書嘗滿篋不唯詩句似陰何

次韻吳仲庶省中畫壁

畫史雖非顧虎頭還能滿壁寫滄洲九衢京洛風沙地一片江湖草樹秋行數條魚賓共樂臥看鷗鳥吏方休知君定有扁舟意却爲丹青肯少畱

夜讀試卷呈君實待制景仁內翰

篝燈時見語驚人便覺揮毫捷有神學問比來多可喜文章非特巧爭新蕉中得鹿初疑夢牖下窺龍稍眩真邂逅兩賢時所服坐令孤朽得相因

答張奉議

卷五十四二十六

五馬渡江開國處一牛吼地作庵人結蟠茅竹纒方丈穿築溝園未過旬我久欲忘言語道君今來見句文身思量何物勘酬對捧喝如今總不親

次韻祖擇之登紫微閣二首

漢漢秋陰護掖垣青雲只在兩松間官梅如畫難人

遠門闕朝歸虎士閑華蓋北瞻大帝宮

下日

三十一

二

掖門相對敞銅鑲
轍轍飛薨在兩間
潤色平生知地
禁登臨此日愧身閑
浮雲倒影移窓隙
落木回飈動
屋山忽憶初來秋
尚早紫微花點綠
苔斑

送沈興宗察院出使湖南 卷五十九

諫書平日早囊中
朝路爭看一馬驄
漢節鮑曾衝海
霧楚帆聊復借湖風
皇華命使今為重
直道酬君遠
亦同投老承明無補助
得為湘守即隨公

春風 卷七十四

一馬春風北首燕
却疑身得舊山川
陽浮樹外滄江
水塵漲原頭野火煙
日借嫩黃初著柳
雨催新綠
歸田回頭不見辛夷發
始覺看花是去年

永濟道中寄諸舅弟 卷五十九 二十七

燈火忽忽出館陶
回看永濟日初高
似間空舍烏鳥
樂更覺荒陂人馬勞
客路光陰真棄置
春風邊塞祇
蕭騷
辛夷樹下烏塘尾
把手何時得汝曹

道逢文通北使歸

朱顏使者錦貂裘
笑語春風入具州
欲報京都近消息
傳聲車馬少淹留
行人盡道還家樂
騎士能吹出
塞愁回首此時空
慕羨驚塵一段向南流

將次相州 卷七十一

青山如浪入漳州銅雀臺西入九丘螻蟻往還空壘
畝騏驎埋沒幾春秋功名蓋世知誰是氣力迴天到
此休何必地中餘故物魏公諸子分衣裘

次韻平甫喜唐公自契丹歸 予辭北使而卷五十三唐公代往

留犁撓酒得戎心繡袷通歡歲月深奉使由來須陸
賈離親何必強曾參燕人候望空甌脫胡馬追隨出
蹄林萬里春風歸正好亦逢佳客想揮金

尹村道中 卷七十三

滿眼霜吹宿草根謾知新歲不逢春却疑青嶂非人
世更覺黃雲是塞塵萬里張侯能奉使百年曾子肯
辭親自憐許國終無用何事紛紛客此身

次韻王勝之詠雪 卷五十四

萬戶千門車馬稀行人却返鳥休飛玲瓏翦水空中
墮的皜裝春樹上歸素髮聯華驚老大玉顏爭好羨
輕肥朝年已賀豐年瑞更問田家果是非

次韻酬府推仲通學士雪中見寄 卷五十四

朝來看雪詠君詩想見朱衣在赤遲為問火城將策
試何如雲屋聽牕知曲牆稍覺次來密窮巷終憐掃
去遲欲訪故人非興盡自緣無路得傳卮

次韻宗次道憶太平早梅 州宅 卷五十四十二

大梁春費寶刀催不似湖陰有早梅今日盤中看翦
綵當時花下就傳杯紛紛自向江城落杳杳難隨驛
使來知憶舊游還想見西南枝上月徘徊

和曾子翊授舒掾之作 卷五十三五

皖城終歲靜如山府檄應從到日閑一水碧羅裁繚
繞萬峰蒼玉刻孱顏舊遊筆墨苔今老浪走塵沙鬢
已斑攬轡羨君橋北路春風枝上鳥關關

送劉和父奉使江西 卷五十七八

劉郎今日擁旌麾傳到江南喜可知上冢還須擊羊
豕下車應不問狐狸無人敢效勸 一作公榮酒為我聊

尋逸少池亦見嶺頭花爛熳更將春色寄相思

次韻張子野竹林寺二首 卷五十三六

澗水橫斜石路深水源窮處有叢林青鴛幾世開蘭
若黃鶴當年瑞卯金敗壁數峰連粉墨涼煙一穗起
檀沈十年親友半零落回首舊遊成古今

二

京峴城南隱映深兩牛鳴地得禪林風泉隔屋撞哀
玉竹月緣堦貼碎金藻井仰窺塵漠漠青燈對宿夜
沈沈扁舟過客十年事一夢此山愁至今

送吳龍圖知江寄

卷五十六二

才高明主睠方深屬郡聞風自革心間里不須多按
治山川從此數登臨茅簷坐隔雲千里栢壟初抽翠
一尋東望泫然知有寄但疑公豈久分襟

送直講吳殿丞宰鞏縣

卷五十六十四

青嵩碧洛曾遊地墨綬銅章忽在身擁馬尚多畿甸
雪隨衣無復禁城塵古來學問須行已此去風流定
慰人更憶少陵詩上語知君不負鞏梅春

送真州吳處厚使君

卷五十六十五

江上齋船駐彩橈鳴笳應滿綠楊橋久爲漢吏知文

法當使淮人服教條拱木延陵瞻故國叢祠瓜步認
前朝登臨莫負山川好終欲東歸聽楚謠

送李質夫之陝府

卷五十七二

平世求才漫至公悠悠羈旅事多窮十年見子尚短
褐千里隨人今北風戶外屨貧虛自滿樽中酒賤亦
常空共嫌欲老無機械心事還能與我同

題儀真致政孫學士歸來亭

彭澤陶潛歸去來素風千歲出塵埃明時儁老心無
累故里高門子有才更作園林負城郭常留花月映
池臺却尋五柳先生傳柴木區區但可哀

次韻吳季野題岳上人澄心亭

高亭五月尚寒生回首塵沙自鬱蒸
砌水亂流穿石底檻雲高出蔽山層
躋攀欲絕人間世締構知從物外僧
腸胃坐來清似先神寄未怪佛圖澄

送彥珍

卷五十八二十四

挾筴窮鄉滿鬢絲陂田荒盡豈嘗窺
未應谷口終身隱正合菑川舉國推
握手百憂空往事還家一笑卽芳時
柘岡定有辛夷發亦見東風使我知

寄張先郎中

卷五十九八

留連山水住多時年北馮唐未覺衰
篝火尚能書

字郵筒還肯寄新詩胡牀月下知
誰對蠻榼花前想自隨投老主恩聊
欲報每瞻高躅恨歸遲

汜水寄和甫

卷五十九六

虎牢關下水逶迤想汝飄然過此時
灑血祇添波浪起脫身難借羽翰追
留遣厚祿非朝隱乖隔殘年更土思
已卜冶城三畝地寄聲知我有歸期

寄黃吉甫

卷五十七

朱顏去似朔風驚白髮多於野草生
挾筴讀書空有得求田間舍轉無成
解鞍烏石岡邊坐攜手辛夷樹下行
今日追思真樂事黃塵深處走雞鳴

次韻平甫村墅春日

卷五十四

昨日青青尚未齊，忽看春色滿高低。
陂梅弄影爭先舞，葉鳥藏身自在啼。
樵蹻踏雲歸舊徑，漁簑背雨向前溪。
似知我欲逃軒冕，談笑相過各有攜。

即席次韻微之泛舟

卷五十四

畫舸幽尋北果園，應將陳迹問桑門。
地隨牆墅行多曲，天著岡巒望易昏。
故國時平空有木，荒城人少半為村。
悠悠興廢皆如此，賴付乾愁酒一罇。

示長安君

少年離別意非輕，老去相逢亦怆情。
草草杯盤供笑語，昏昏燈火話平生。
自憐湖海三年隔，又作塵沙萬里行。
欲問後期何日是，寄書應見鴈南征。

和平甫招道光法師

練師投老演真聖，像劫空王爪與肱。
於總持門通一路，以光明藏續千燈。
從容發口酬摩詰，邂逅持心契慧能。
新句得公還有賴，古人詩字恥無僧。

和祖仁晚過集禧觀

妍暖聊隨馬首東，春衫猶未著方空。
煙霞送色歸瑤水，山木分香繞閬風。
壯髮已輸塵外綠，衰顏漫到酒邊紅。
日斜歸去人問世，却記前遊似夢中。

程公闢轉運江西 卷五十四

江西一節鑄黃金最慰章濱父老心長孺向來真強
予次公今不異重臨餘風尚有歡誼在陳迹非無勝
事尋豫想新詩能寄我十年華省故情深

次韻微之即席 卷五十四

釀成吳米野油囊却愛清談氣味長閑日有僧來北
阜平時無盜出南塘風亭對竹酬孤峭雪徑尋梅認
暗香江水中濡應未變一杯終欲就君嘗

和王微之秋浦望齊山感李太白杜牧之 卷五十二

齊山置酒菊花開秋浦聞猿江上哀此地流傳空筆

墨昔人埋沒已蒿萊平生志業無高論末世篇章有

逸才尚得使君驅五馬與尋陳迹久徘徊

次韻王微之登高齋 卷五十四

臺殿荒墟辱井堙豪華不復見臨春北山漠漠雲垂
地南埭悠悠水映人馳道蔽虧松半死射揚埋沒雉
多馴登高一曲悲亡國想繞紅梁落暗塵

和微之重感南唐事 卷五十二

叔寶傾國銜弊梁可差曾不見興亡齋祠父子終身
費酣詠君臣舉國荒南狩皖山非故地北師淮水失
名王天移四海歸真主誰誘昏童肯用良

李君舅弟訪別長蘆至淮陰追寄

怒水憑風雪壘高亂流追我祇魚舫忽看淮月臨寒
食想映江春聽伯勞道義當成麟一角文章已禿兔
千臺後生可畏吾知子南北何時見兩髦

貴州虞部使君訪及道舊竊有感惻因成小詩
韶山秀拔江清瀉氣象還能出楮紳當我垂髫初識
字看君揮翰獨驚人郵籤忽報旌麾入齋閣遙瞻組
綬新握手更誰知往事同時諸彥略成塵

卷七十四十四

冲卿席上得行字

二年相值喜同聲並轡塵沙眼亦明新詔各從天上

得殘樽同向月邊傾已嗟後會歡離必更想前官責
尚輕黽勉敢忘君所勗古人憂樂有違行

示董伯懿

穿橋度塹祇閑行詠石嘲花亦漫成嚼蠟已能忘世
味畫脂那更惜時名長千里北寒山紫白下門西野
水明此地一塵須卜築故人他日訪柴荆